

四庫全書

史部

欽定四庫全書

史記正義卷七十八

唐 張守節 撰

春申君列傳第十八

史記七十八

春申君者楚人也名歇姓黃氏游學博聞事楚頃襄王
頃襄王以歇為辯使於秦秦昭王使白起攻韓魏敗之
於華陽禽魏將芒卯韓魏服而事秦秦昭王方令白起
與韓魏共伐楚未行而楚使黃歇適至於秦聞秦之計

當是之時秦已前使白起攻楚取巫黔中之郡拔鄢郢

東至竟陵

竟陵屬江夏郡也

楚頃襄王東徙治於陳縣

今陳州也

黃

歇見楚懷王之為秦所誘而入朝遂見欺留死於秦頃

襄王其子也秦輕之恐壹舉兵而滅楚歇乃上書說秦

昭王曰天下莫彊於秦楚今聞大王欲伐楚此猶兩虎

相與鬪兩虎相與鬪而駑犬受其弊不如善楚臣請言

其說臣聞物至則反冬夏是也

至極也極則反也冬至陰之極夏至陽之極

致至則危累基是也今大國之地徧天下有其二垂

言極

東西

此從生民已來萬乘之地未嘗有也先帝文王莊王

之身三世不忘接地於齊以絕從親之要今王使盛橋守事於韓盛橋以其地入秦是王不用甲不信威而得

百里之地王可謂能矣王又舉申而攻魏杜大梁之門舉河內

拔燕酸棗虛挑入邢

邢丘在懷州武南縣東南二十里

魏之兵雲翔而不敢

拔王之功亦多矣王休甲息衆二年而後復之又并蒲衍

首垣以臨仁平丘黃濟陽嬰城

故黃城在曹州考城縣東濟陽故城在曹州宛

句縣西南嬰城未詳

而魏氏服王又割濮磨之北注齊秦之要絕

楚趙之脊

劉伯莊云言秦得魏地楚趙之絕從

天下五合六聚而不敢救

王之威亦單矣王若能持功守威絀攻取之心而肥仁

義之地使無後患三王不足四五伯不足六也王若負

人徒之衆仗兵革之彊乘毀魏之威而欲以力臣天下

之主臣恐其有後患也詩曰靡不有初鮮克有終易曰

狐涉水濡其尾

言狐惜其尾每涉水舉尾不令濕此至極困則濡之譬不可力臣之

此言

始之易終之難也何以知其然也昔智氏見伐趙之利

而不知榆次之禍

榆次并州縣也注水經云榆次縣南同過水側有鑿臺

吳見伐

齊之便而不知干隧之敗

干隧吳地名也出萬安山西南一里太湖即吳王夫差自

列處在蘇州西北四十里

此二國者非無大功也沒利於前而易患

於後也吳之信越也從而伐齊既勝齊人於艾陵

艾山在兗州博縣南六十里也

還為越王禽三渚之浦

吳俗傳云越軍得子胥夢從東入伐吳越王即從三公北岸立壇殺白馬祭子胥杯酒

盡乃開渠曰示浦入破吳王於姑蘇敗于隧也

智氏之信韓魏也從而伐趙攻晉陽

城

并州城

勝有日矣韓魏叛之殺智伯瑤於鑿臺之下今

王妬楚之不毀也而忘毀楚之彊韓魏也臣為王慮而

不取也詩曰大武遠宅而不涉

言大軍不遠跋涉攻伐

從此觀之

楚國援也鄰國敵也詩云趯趯毚兔遇犬獲之他人有心余忖度之今王中道而信韓魏之善王也此正吳之信越也臣聞之敵不可假時不可失臣恐韓魏卑辭除患而實欲欺大國也何則王無重世之德於韓魏而有累世之怨焉夫韓魏父子兄弟接踵而死於秦者將十世矣本國殘社稷壞宗廟毀剖腹絕腸折頸摺頤首身分離暴骸骨於草澤頭顱僵仆相望於境父子老弱係絙束手為羣虜者相及於路鬼神孤傷無所血食人民

不聊生族類離散流亡為僕妾者盈滿海內矣故韓魏之不亡秦社稷之憂也今王資之與攻楚不亦過乎且

王攻楚將惡出兵

惡音烏

王將借路於仇讐之韓魏乎兵出

之日而王憂其不返也是王以兵資於仇讐之韓魏也王若不借路於仇讐之韓魏必攻隨水右壤隨水右壤此皆廣川大水山林谿谷不食之地也王雖有之不為得地是王有毀楚之名而無得地之實也且王攻楚之日四國必悉起兵以應王秦楚之兵構而不離魏氏將

出而攻留方與銍湖陵碭蕭相故宋必盡

徐州西宋州
東兗州南並

故宋地

齊人南面攻楚泗上必舉

此時徐泗
屬齊也

此皆平原四

達膏腴之地而使獨攻王破楚以肥韓魏於中國而勁
齊韓魏之彊足以校於秦齊南以泗水為境東負海北
倚河而無後患天下之國莫彊於齊魏齊魏得地葆利
而詳事下吏一年之後為帝未能其於楚王之為帝有
餘矣夫以王壤土之博人徒之衆兵革之彊壹舉事而
樹怨於楚遲令韓魏歸帝重於齊是王失計也臣為王

慮莫若善楚秦楚合而為一以臨韓韓必歛手王施以東山之險帶以曲河之利韓必為關內之侯若是而王以十萬戍鄭梁氏寒心許鄆陵嬰城而上蔡召陵不往來也如此而魏亦關內侯矣王壹善楚而關內兩萬乘之主注地於齊齊右壤可拱手而取也

右壤謂渭州之南北也

王

之地一經兩海

廣信橫度中國東西也

要約天下是燕趙無齊楚

齊楚無燕趙也然後危動燕趙直搖齊楚此四國者不待痛而服矣昭王曰善於是乃止白起而謝韓魏發使

賂楚約為與國黃歇受約歸楚楚使歇與太子完入質
於秦秦留之數年楚頃襄王病太子不得歸而楚太子
與秦相應侯善於是黃歇乃說應侯曰相國誠善楚太
子乎應侯曰然歇曰今楚王恐不起疾秦不如歸其太
子太子得立其事秦必重而德相國無窮是親與國而
得儲萬乘也若不歸則咸陽一布衣耳楚更立太子必
不事秦夫失與國而絕萬乘之和非計也願相國孰慮
之應侯以聞秦王秦王曰令楚太子之傅先往問楚王

之疾返而後圖之黃歇為楚太子計曰秦之留太子也欲以求利也今太子力未能有以利秦也歇憂之甚而陽文君子二人在中王若卒大命太子不在陽文君子必立為後太子不得奉宗廟矣不如亡秦與使者俱出臣請止以死當之楚太子因變衣服為楚使者御以出闕而黃歇守舍常為謝病度太子已遠秦不能追歇乃自言秦昭王曰楚太子已歸出遠矣歇當死願賜死昭王大怒欲聽其自殺也應侯曰歇為人臣出身以徇其

主太子立必用歇故不如無罪而歸之以親楚秦因遣

黃歇歇至楚三月楚頃襄王卒太子完立是為考烈王

考烈王元年以黃歇為相封為春申君

然四君封邑檢皆不獲唯平原

有地又非趙境並蓋號謚而孟嘗是謚

賜淮北地十二縣後十五歲黃歇

言之楚王曰淮北地邊齊其事急請以為郡便因并獻

淮北十二縣請封於江東考烈王許之春申君因城故

吳墟

墟音虛闔閭今蘇州也於城內小城西北別築城居之今地毀也又大內北瀆四從五橫至今猶存

又攻破楚門為昌門以自為都邑春申君既相楚是時齊有孟嘗

君趙有平原君魏有信陵君方爭下士招致賓客以相
傾奪輔國持權春申君為楚相四年秦破趙之長平軍
四十餘萬五年圍邯鄲邯鄲告急於楚楚使春申君將
兵往救之秦兵亦去春申君歸春申君相楚八年為楚
北伐滅魯以荀卿為蘭陵令當是時楚復彊趙平原君
使人於春申君春申君舍之於上舍趙使欲夸楚為璫
瑁簪刀劍室以珠玉飾之請命春申君客春申君客三
千餘人其上客皆躡珠履以見趙使趙使大慙春申君

相十四年秦莊襄王立以呂不韋為相封為文信侯取
東周春申君相二十二年諸侯患秦攻伐無已時乃相
與合從西伐秦而楚王為從長春申君用事至函谷關
秦出兵攻諸侯兵皆敗走楚考烈王以咎春申君春申
君以此益踈客有觀津人朱英觀音館今魏州觀城縣也謂春申君
曰人皆以楚為彊而君用之弱其於英不然先君時善
秦二十年而不攻楚何也秦踰黽隘之塞黽隘之塞在申州黽音盲
也而攻楚不便假道於兩周背韓魏而攻楚不可今則

不然魏旦暮亡不能愛許鄢陵其許魏割以與秦秦兵去陳百六十里臣之所觀者見秦楚之日鬪也楚於是

去陳徙壽春而秦徙衛野王作置東郡

濮滑州燕河北置東郡濮州本

衛都而徙野王也

春申君由此就封於吳行相事楚考烈王無

子春申君患之求婦人宜子者進之甚衆卒無子趙人李園持其女弟欲進之楚王聞其不宜子恐久毋寵李園求事春申君為舍人已而謁歸故失期還謁春申君問之狀對曰齊王使使求臣之女弟與其使者飲故失

期春申君曰娉入手對曰未也春申君曰可得見乎曰
可於是李園乃進其女弟即幸於春申君知其有身李
園乃與其女弟謀園女弟承間以說春申君曰楚王之
貴幸君雖兄弟不如也今君相楚二十餘年而王無子
即百歲後將更立兄弟則楚更立君後亦各貴其故所
親君又安得長有寵乎非徒然也君貴用事久多失禮
於王兄弟兄弟誠立禍且及身何以保相印江東之封
乎今妾自知有身矣而人莫知妾幸君未久誠以君之

重而進妾於楚王王必幸妾妾賴天有子男則是君之
子為王也楚國盡可得孰與身臨不測之罪乎春申君
大然之乃出李園女弟謹舍而言之楚王楚王召入幸
之遂生子男立為太子以李園女弟為王后楚王貴李
園園用事李園既入其女弟立為王后子為太子恐春
申君語泄而益驕陰養死士欲殺春申君以滅口而國
人頗有知之者春申君相二十五年楚考烈王病朱英
謂春申君曰世有毋望之福

無望猶不
望而忽至

又有毋望之禍

今君處母望之世

謂生死無常

事母望之主

謂喜怒不節也

安可以

無母望之人乎

謂吉凶忽為

春申君曰何謂母望之福曰君

相楚二十餘年矣雖名相國實楚王也今楚王病旦暮

且卒而君相少主因而代立當國如伊尹周公王長而

反政不即遂南面稱孤而有楚國此所謂母望之福也

春申君曰何謂母望之禍曰李園不治國而君之仇也

不為兵而養死士之日久矣楚王卒李園必先入據權

而殺君以滅口此所謂母望之禍也春申君曰何謂母

望之人對曰君置臣郎中楚王卒李園必先入臣為君
殺李園此所謂毋望之人也春申君曰足下置之李園
弱人也僕又善之且又何至此朱英知言不用恐禍及
身乃亡去後十七日楚考烈王卒李園果先入伏死士

於棘門之內

壽州城門

春申君入棘門園死士俠刺春申君

斬其頭投之棘門外

楚考烈王二十五年秦始皇九年

於是遂使吏盡

滅春申君之家而李園女弟初幸春申君有身而入之
王所生子者遂立是為楚幽王是歲也秦始皇帝立九

年矣嫪毐亦為亂於秦覺夷其三族而呂不韋廢

太史公曰吾適楚觀春申君故城宮室盛矣哉初春申君之說秦昭王及出身遣太子歸何其智之明也後制於李園旄矣語曰當斷不斷反受其亂春申君失朱英之謂邪

史記正義卷七十八

欽定四庫全書

史記正義卷七十九

唐 張守節 撰

范雎蔡澤列傳第十九

史記七十九

范雎者魏人也字叔游說諸侯欲事魏王家貧無以自
資乃先事魏中大夫須賈須賈為魏昭王使於齊范雎
從留數月未得報齊襄王聞雎辯口乃使人賜雎金十斤
及牛酒雎辭謝不敢受須賈知之大怒以為雎持魏國

陰事告齊故得此饋令睢受其牛酒還其金既歸心怒
睢以告魏相魏相魏之諸公子曰魏齊魏齊大怒使舍
人笞擊睢折脇摺齒睢佯死即卷以簣置廁中賓客飲
者醉更溺睢

溺古
尿字

故僇辱以懲後令無妄言者睢從簣

中謂守者曰公能出我我必厚謝公守者乃請出棄簣
中死人魏齊醉曰可矣范睢得出後魏齊悔復召求之
魏人鄭安平聞之乃遂操范睢亡伏匿更名姓曰張祿
當此時秦昭王使謁者王稽於魏鄭安平詐為卒侍王

稽

卒祖律反

王稽問魏有賢人可與俱西游者乎鄭安平曰

臣里中有張祿先生欲見君言天下事其人有仇不敢
畫見王稽曰夜與俱來鄭安平夜與張祿見王稽語未
究王稽知范雎賢謂曰先生待我於三亭之南

括地志云三亭

岡在汴州尉氏縣西南三十七里按三亭岡在山部中名也蓋岡亭誤為南

與私約而去王

稽辭魏去過載范雎入秦至湖關

今魏州湖城縣也

望見車騎

從西來范雎曰彼來者為誰王稽曰秦相穰侯東行縣
邑范雎曰吾聞穰侯專秦權惡內諸侯客此恐辱我我

寧且匿車中有頃穰侯果至勞王稽因立車而語曰關東有何變曰無有又謂王稽曰謁君得無與諸侯客子俱來乎無益徒亂人國耳王稽曰不敢即別去范雎曰吾聞穰侯智士也其見事遲鄉者疑車中有人忘索之於是范雎下車走曰此必悔之行十餘里果使騎還索車中無客乃已王稽遂與范雎入咸陽已報使因言曰

魏有張祿先生天下辯士也曰秦王之國危於累卵

說苑

云晉靈公造九層臺費用千金譚左右曰敢有諫者斬荀息聞之上書求見靈公張弩持矢見之曰臣不敢諫

也臣能累十二博基加九雞子其上公曰子為寡人作之荀息正顏色定志意以碁子置下加九雞子其上左右懼捐息靈公氣息不續公曰危哉危哉危哉荀息曰不危也復有危於此者公曰願見之荀息曰九層之臺三年不成男不耕女不織國用空虛隣國謀譏將興社稷亡滅君欲何望靈公曰寡人之過也乃至於此即壞臺也

得臣則安然不可以書傳也臣故載來秦王弗信使舍食草具待命歲餘當是時昭王已立三十六年南拔楚之鄢郢楚懷王幽死於秦秦東破齊湣王常稱帝後去之數困三晉馱天下辯士無所信穰侯華陽君昭王母宣太后之弟也而涇陽君高陵君皆昭王同母弟

也穰侯相三人者更將有封邑以太后故私家富重於王室及穰侯為秦將且欲越韓魏而伐齊綱壽欲以廣其陶封范雎乃上書曰臣聞明主立政有功者不得不賞有能者不得不官勞大者其祿厚功多者其爵尊能治衆者其官大故無能者不敢當職焉有能者亦不得蔽隱使以臣之言為可願行而益利其道以臣之言為不可久留臣無為也語曰庸主賞所愛而罰所惡明主則不然賞必加於有功而刑必斷於有罪今臣之胄不

足以當樁質而要不足以持斧鉞豈敢以疑事嘗試於王哉雖以臣為賤人而輕辱獨不重任臣者之無反復於王邪且臣聞周有砥礪宋有結綠梁有縣藜楚

有和朴

縣音玄劉伯莊云珍玉朴也

此四寶者土之所生良工之所

失也而為天下名器然則聖王之所棄者獨不足以厚

國家乎臣聞善厚家者取之於國善厚國者取之於諸

侯天下有明主則諸侯不得擅厚者何也為其割榮也

良醫知病人之死生而聖主明於成敗之事利則行之

害則舍之疑則少嘗之雖舜禹復生弗能改已語之至者臣不敢載之於書其淺者又不足聽也意者臣愚而不概於王心邪亡其言臣者賤而不可用乎自非然者臣願得少賜游觀之間望見顏色一語無効請伏斧質於是秦昭王大說乃謝王稽使以傳車召范雎於是范雎乃得見於離宮

長安故城本秦離宮在
雍長安北十三里也

詳為不知永

巷而入其中

永巷宮
中獄也

王來而宦者怒逐之曰王至范雎

繆為曰秦安得王秦獨有太后穰侯耳欲以感怒昭王

昭王至聞其與宦者爭言遂延迎謝曰寡人宜以身受命久矣會義渠之事急寡人旦暮自請太后今義渠之事已寡人乃得受命竊閔然不敏敬執賓主之禮范雎辭讓是日觀范雎之見者羣臣莫不洒然變色易容者秦王屏左右宮中虛無人秦王跽而請曰先生何以幸教寡人范雎曰唯唯有間秦王復跽而請曰先生何以幸教寡人范雎曰唯唯若是者三秦王跽曰先生卒不幸教寡人邪范雎曰非敢然也臣聞昔者呂尚之遇文

王也身為漁父而釣於渭濱耳若是者交踈也已說而立為太師載與俱歸者其言深也故文王遂收功於呂尚而卒王天下鄉使文王踈呂尚而不與深言是周無天子之德而文武無與成其王業也今臣羈旅之臣也交踈於王而所願陳者皆匡君之事處人骨肉之間願効愚忠而未知王之心也此所以王三問而不敢對者也臣非有畏而不敢言也臣知今日言之於前而明日伏誅於後然臣不敢避也大王信行臣之言死不足以

為臣患亡不足以為臣憂漆身為厲被髮為狂不足以
為臣恥且以五帝之聖焉而死三王之仁焉而死五伯
之賢焉而死烏獲任鄙之力焉而死成荊孟賁王慶忌
夏育之勇焉而死死者人之所以必不免也處必然之勢
可以少補於秦此臣之所大願也臣又何患哉伍子胥
橐載而出昭關夜行晝伏至於陵水無以餬其口膝行
蒲伏稽首肉袒鼓腹吹箎乞食於吳市卒興吳國闔閭
為伯使臣得盡謀如伍子胥加之以幽囚終身不復見

是臣之說行也臣又何憂箕子接輿漆身為厲被髮為狂無益於主假使臣得同行於箕子可以有補所賢之主是臣之大榮也臣有何恥臣之所恐者獨恐臣死之後天下見臣之盡忠而身死因以是杜口裹足莫肯鄉秦耳足下上畏太后之嚴下惑於姦臣之態居深宮之中不離阿保之手終身迷惑無與昭姦

昭明也無與明其姦惡

大

者宗廟滅覆小者身以孤危此臣之所恐耳若夫窮辱之事死亡之患臣不敢畏也臣死而秦治是臣死賢於

生秦王跽曰先生是何言也夫秦國辟遠寡人愚不肖先生乃幸辱至於此是天以寡人恩先生而存先王之宗廟也寡人得受命於先生是天所以幸先王而不棄其孤也先生奈何而言若是事無小大上及太后下至大臣願先生悉以教寡人無疑寡人也范雎拜秦王亦拜范雎曰大王之國四塞以為固北有甘泉谷口

括地志云

甘泉山一名鼓原俗名唐石嶺在雍州雲陽縣西北九十里關中記云甘泉宮在甘泉山上年代永久無復甘泉之名失其實也宮北云有連山土人為唐石嶺郊祀志云云孫卿言黃帝得仙寒仙寒者谷口也按九峻山

中西謂之谷口即古塞門也
在雍州醴泉縣東北四十里

南帶涇渭右隴蜀左關阪

奮擊百萬戰車千乘利則出攻不利則入守此王者之
地也民怯於私鬪而勇於公戰此王者之民也王并此
二者而有之夫以秦卒之勇車騎之衆以治諸侯譬若
馳韓盧而搏蹇兔也霸王之業可致也而羣臣莫當其
位至今閉關十五年不敢窺兵於山東者是穰侯為秦
謀不忠而大王之計有所失也秦王跽曰寡人願聞失
計然左右多竊聽者范雎恐未敢言內先言外事以觀

秦王之俯仰因進曰夫穰侯越韓魏而攻齊綱壽非計也少出師則不足以傷齊多出師則害於秦臣意王之計欲少出師而悉韓魏之兵也則不義矣今見與國之不親也越人之國而攻可乎其於計踈矣且昔齊昏王南攻楚破軍殺將再辟地千里辟尺亦反而齊尺寸之地無得焉者豈不欲得地哉形勢不能有也諸侯見齊之罷弊君臣之不和也興兵而伐齊大破之士辱兵頓皆咎其王曰曰誰為此計者乎王曰文子為之大臣作亂文

子出走故齊所以大破者以其伐楚而肥韓魏也此所謂借賊兵齊盜糧者也王不如遠交而近攻得寸則王之寸也得尺亦王之尺也今釋此而遠攻不亦繆乎且昔者中山之國地方五百里趙獨吞之功成名立而利附焉天下莫之能害也今夫韓魏中國之處而天下之樞也王其欲霸必親中國以為天下樞以盛楚趙楚彊則附趙趙彊則附楚楚趙皆附齊必懼矣齊懼必卑辭重幣以事秦齊附而韓魏因可虜也昭王曰吾欲親魏

久矣而魏多變之國也寡人不能親請問親魏奈何對
曰王卑詞重幣以事之不可則割地而賂之不可因舉
兵而伐之王曰寡人敬聞命矣乃拜范雎為客卿謀兵
事卒聽范雎謀使五大夫綰伐魏拔懷後二歲拔邢丘
客卿范雎復說昭王曰秦韓之地形相錯如繡秦之有
韓也譬如木之有蠹也人之有心腹之病也天下無變
則已天下有變其為秦患者孰大於韓乎王不如收韓
昭王曰吾固欲收韓韓不聽為之奈何對曰韓安得無

聽乎王下兵而攻滎陽則鞏成臯之道不通

言宜陽陝之師不

得下相救

北斷太行之道則上黨之師不下

言澤路之師不得下太行相救

王一興兵而攻滎陽則其國斷而為三

新鄭已南一宜陽令二澤路三

夫韓見必亡安得不聽乎若韓聽而霸事因可慮矣王曰善且欲發使於韓范雎日益親復說用數年矣因請

間說曰

間音閔

臣居山東時聞齊之有田文不聞其有王

也聞秦之有太后穰侯華陽高陵涇陽不聞其有王也夫擅國之謂王能利害之謂王制殺生之威之謂王今

太后擅行不顧穰侯出使不報華陽涇陽等擊斷無諱
高陵進退不請四貴備而國不危者未之有也為此四
貴者下乃所謂無王也然則權安得不傾令安得從王
出乎臣聞善治國者乃內固其威而外重其權穰侯使
者操王之重決制於諸侯剖符於天下政適伐國莫敢
不聽戰勝攻取則利歸於陶國弊御於諸侯戰敗則結
怨於百姓而禍歸於社稷詩曰木實繁者披其枝
披音被

反披其枝者傷其心大其都者危其國尊其臣者卑其

主崔杼淖齒管齊

淖齒楚人齊湣王臣

射王股擢王筋縣之於廟

梁宿昔而死李兌管趙囚主父於沙丘

沙丘臺在邢州平鄉縣東北三里

十日而餓死今臣聞秦太后穰侯用事高陵華陽涇

陽佐之卒無秦王此亦淖齒李兌之類也且夫三代所以亡國者君專授政縱酒馳騁弋獵不聽政事其所授者如賢嫉能御下蔽上以成其私不為主計而主不覺悟故失其國今自有秩以上至諸大吏下至王左右無非相國之人者見王獨立於朝臣竊為王恐萬世之後

有秦國者非王子孫也昭王聞之大懼曰善於是廢太后逐穰侯高陵華陽涇陽君於關外秦王乃拜范雎為相收穰侯之印使歸陶因使縣官給車牛以徙千乘有餘到關關閱其寶器寶器珍怪多於王室秦封范雎以應

號為應侯

括地志云故應城古應鄉在汝州魯山縣東四十里也

當是時秦昭王

四十一年也范雎既相秦秦號曰張祿而魏不知以為范雎已死久矣魏聞秦且東伐韓魏魏使須賈於秦范雎聞之為微行敝衣間步之即

劉云諸國客館

見須賈須賈見

之而驚曰范叔固無恙乎范睢曰然須賈笑曰范叔有
說於秦邪曰不也睢前日得過於魏相故亡逃至此安
敢說乎須賈曰今叔何事范睢曰臣為人庸賈須賈意
哀之留與坐飲食曰范叔一寒如此哉乃取其一綈袍
以賜之今之須賈因問曰秦相張君公知之乎吾聞幸
於王天下之事皆決於相君今羣之去留在張君孺子
豈有容習於相君者哉范睢曰主人翁習知之唯睢亦
得謁睢請為君見於張君須賈曰吾馬病車軸折非大

車駟馬吾不出范睢曰願為君借大車駟馬於主人翁
范睢歸取大車駟馬為須賈御之入秦相府府中望見
有識者皆避匿須賈怪之至相舍門謂須賈曰待我我
為君先入通於相君須賈待門下持車良久問門下曰
范叔不出何也門下曰無范叔須賈曰鄉者與我載而
入者門下曰乃吾相張君也須賈大驚自知見賣乃肉
袒膝行因門下人謝罪於是范睢盛帷帳侍者甚衆見
之須賈頓首言死罪曰賈不意君能自致於青雲之上

賈不敢復讀天下之書復與天下之事賈有湯鍬之罪
請自屏於胡貉之地唯君死生之范睢曰汝罪有幾曰
擢賈之髮以續賈之罪尚未足范睢曰汝罪有三耳昔
者楚昭王時而申包胥為楚卻吳軍楚王封之以荆五
千戶申包辭不受為丘墓之寄於荆也今睢之先人丘
墓亦在魏公前以睢為有外心於齊而惡睢於魏齊公
之罪一也當魏齊辱我於廁中公不止罪二也更醉而
溺我公其何忍乎罪三矣然公之所以得無死者以綈

袍戀戀有故人之意故釋公乃謝罷入言之昭王罷歸
須賈須賈辭於范雎范雎大供具盡請諸侯使與坐堂
上食飲甚設而坐須賈於堂下置莖豆其前令兩黥徒
夾而馬食之數曰為我告魏王急持魏齊頭來不然者
我且屠大梁須賈歸以告魏齊魏齊恐亡走趙匿平原
君所范雎既相王稽謂范雎曰事有不可知者三有不
可奈何者亦三宮車一日晏駕是事之不可知者一也
君卒然捐館舍是事之不可知者二也使臣卒然填溝

壑是事之不可知者三也宮車一日晏駕君雖恨於臣
無可奈何君卒然捐館舍君雖恨於臣亦無可奈何使
臣卒然填溝壑君雖恨於臣亦無可奈何范睢不憚乃
入言於王曰非王稽之忠莫能內臣於函谷關非大王
之賢聖莫能貴臣今臣官至於相爵在列侯王稽之官
尚止於謁者非其內臣之意也昭王召王稽拜為河東
守三歲不上計又任鄭安平昭王以為將軍范睢於是
散家財物盡以報所嘗困厄者一飯之德必償睚眦之

怨必報范雎相秦二年秦昭王之四十二年東伐韓少

曲高平拔之

括地志云南韓王故城在懷州河陽縣西北四十里俗謂之韓王城非也秦時周赧

王以與鄭紀年云鄭侯使辰歸晉陽向更名高平拔之則少曲當與高平相近

秦昭王聞魏齊在平原君所

欲為范雎必報其讐言乃詳為好書遺平原君曰寡人聞君之

高義願與君為布衣之友君幸過寡人寡人願與君為十日之飲

平原君畏秦且以為然而入秦見昭王昭王與平原君飲數日昭

王謂平原君曰昔周文王得呂尚以為大公齊桓公得

管夷吾以為仲父今范君亦寡人之叔父也范君之讐

在君之家願使人歸取其頭來不然吾不出君於關平
原君曰貴而為友者為賤也富而為交者為貧也夫魏
齊者勝之友也在固不出也今又不在臣所昭王乃遺
趙王書曰王之弟在秦范君之讐魏齊在平原君之家
王使人疾持其頭來不然吾舉兵而伐趙又不出王之
弟於關趙孝成王乃發卒圍平原君家急魏齊夜亡出
見趙相虞卿虞卿度趙王終不可說乃解其相印與魏
齊亡間行念諸侯莫可以急抵者乃復走大梁欲因信

陵君以走楚信陵君聞之畏秦猶豫未肯見曰虞卿何如人也時侯嬴在旁曰人固未易知知人亦未易也夫虞卿躡履擔簦一見趙王賜白璧一雙黃金百鎰再見拜為上卿三見卒受相印封萬戶侯當此之時天下爭知之夫魏齊窮困過虞卿虞卿不敢重爵祿之尊解相印捐萬戶侯而問行急士之窮而歸公子公子曰何如人人固不易知知人亦未易也信陵君大慙駕如野迎之魏齊聞信陵君之初難見之怒而自到趙王聞之卒

取其頭予秦秦昭王乃出平原君歸趙昭王四十三年

秦攻韓汾陘拔之

按陘庭故城在絳州曲沃縣西北二十里汾水之陽

因城河上

廣武後五年昭王用應侯謀縱反間賣趙趙以其故令

馬服子代廉頗將秦大破趙於長平遂圍邯鄲已而與

武安君白起有隙言而殺之任鄭安平使將擊趙鄭安

平為趙所困急以兵二萬人降趙應侯席藁請罪秦之

法任人而所任不善者各以其罪罪之於是應侯罪當

收三族秦昭王恐傷應侯之意乃下令國中有敢言鄭

安平事者以其罪罪之而加賜相國應侯食物日益厚以順適其意後二歲王稽為河東守與諸侯通坐法誅而應侯日益以不懌昭王臨朝歎息應侯進曰臣聞主憂臣辱主辱臣死今大王中朝而憂臣敢請其罪昭王曰吾聞楚之鐵劍利而倡優拙

論士能善卒不戰

夫鐵劍利則

士勇倡優拙則思慮遠夫以遠思慮而御勇士吾恐楚之圖秦也夫物不素具不可以應卒今武安君既死而鄭安平等畔內無良將而外多敵國吾是以憂欲以激

勵應侯應侯懼不知所出蔡澤聞之往入秦也

蔡澤者燕人也游學于諸侯

不待禮曰干

小大甚衆不遇而

從唐舉相曰吾聞先生相李兌曰百日之內持國秉政有之乎曰有之曰若臣者何如唐舉孰視而笑曰先生曷皐巨肩鵬顏蹙蹙膝掌吾聞聖人不相殆先生乎蔡澤知唐舉戲之乃曰富貴吾所自有吾所不知者壽也願聞之唐舉曰先生之壽從今以往者四十三歲蔡澤笑謝而去謂其御者曰吾持梁刺齒肥躍馬疾驅懷黃金

之印結紫綬於要揖讓人主之前食肉富貴四十三年
足矣去之趙見逐入韓魏遇奪釜鬲於塗聞應侯任鄭
安平王稽皆負重罪於秦應侯內慙蔡澤乃西入秦將
見昭王使人宣言以感怒應侯曰燕客蔡澤天下雄俊
弘辯智士也彼一見秦王秦王必困君而奪君之位應
侯聞曰五帝三代之事百家之說吾既知之衆口之辯
吾皆摧之是惡能困我而奪我位乎使人召蔡澤蔡澤
入則揖應侯應侯固不快及見之又倨應侯因讓之曰

子常宣言欲代我相秦寧有之乎對曰然應侯曰請聞其說蔡澤曰吁君何見之晚也夫四時之序成功者去夫人生百體堅彊手足便利耳目聰明而心聖智豈非士之願與應侯曰然蔡澤曰質仁秉義行道施德得志於天下天下懷樂敬愛而尊慕之皆願以為君王豈不辯智之期與應侯曰然蔡澤復曰富貴顯榮成理萬物使各得其所性命壽長終其天年而不夭傷天下繼其統守其業傳之無窮名實純粹澤流千里世世稱之而

無絕與天地終始豈道德之符而聖人所謂吉祥善事者與應侯曰然蔡澤曰若夫秦之商君楚之吳起越之大夫種其卒然亦可願與應侯知蔡澤之欲困己以說復謬曰何為不可夫公孫鞅之事孝公也極身無貳慮盡公而不顧私設刀鋸以禁奸邪信賞罰以致治披腹心示情素蒙怨咎欺舊友奪魏公子卬安秦社稷利百姓卒為秦禽將破敵攘地千里吳起之事悼王也使私不得害公讒不得蔽忠言不取苟合行不取苟容不為

危易行行義不辟難然為霸主彊國不辭禍凶大夫種之事越王也主雖困辱悉忠而不解主雖絕亡盡能而弗離成功而弗矜貴富而不驕怠若此三子者固義之至也忠之節也是故君子以義死難視死如歸生而辱不如死而榮士固有殺身以成名唯義之所在雖死無所恨何為不可哉蔡澤曰主聖臣賢天下之盛福也君明臣直國之福也父慈子孝夫信妻貞家之福也故比干忠而不能存殷子胥智而不能完吳申生孝而晉國亂是

皆有忠臣孝子而國家滅亂者何也無明君賢父以聽之故天下以其君父為僂辱而憐其臣子今商君吳起大夫種之為人臣是也其君非也故世稱三子致功而不見德豈慕不遇世死乎夫待死而後可以立忠成名是微子不足仁孔子不足聖管仲不足大也夫人之立功豈不期於成全邪身與名俱全者上也名可法而身死者其次也名在僂辱而身全者下也於是應侯稱善蔡澤少得間因曰夫商君吳起大夫種其為人臣盡忠

致功則可願矣閔天事文王周公輔成王也豈不亦聖乎以君臣論之商君吳起大夫種其可願孰與閔天周公哉應侯曰商君吳起大夫種弗若也蔡澤曰然則君之主慈仁任忠悃厚舊故其賢智與有道之士為膠漆義不倍功臣孰與秦孝公楚悼王越王乎應侯曰未知何如也蔡澤曰今主親忠臣不過秦孝公楚悼王越王君之設智能為主安危修政治亂彊兵批患折難廣地殖穀富國足家彊主尊社稷顯宗廟天下莫敢欺犯其主主

之威蓋震海內功彰萬里之外聲名光輝傳於千世君
孰與商君吳起大夫種應侯曰不若蔡澤曰今王之親
忠臣不亡舊故不若孝公悼王句踐而君之功績愛信
親幸又不若商君吳起大夫種然而君之祿位貴盛私
家之富過於三子而身不退者恐患之甚於三子竊為
君危之語曰日中則移月滿則虧物盛則衰天地之常
數也進退盈縮與時變化聖人之常道也故國有道則
仕國無道則隱聖人曰飛龍在天利見大人不義而富

且貴於我如浮雲今君之怨已讐而德已報意欲至矣而無變計竊為君不取也且夫翠鵠犀象其處勢非不遠死也而所以死者惑於餌也蘇秦智伯之智非不足以辟辱遠死也而所以死者惑於貪利不止也是以聖人制禮節欲取於民有度使之以時用之有止故志不溢行不驕常與道俱而不失故天下承而不絕昔者齊桓公九合諸侯一匡天下至於葵丘之會有驕矜之志畔者九國吳王夫差兵無敵於天下勇彊以輕諸侯陵

齊晉故遂以殺身亡國夏育太史噉叱呼駭三軍

呼音火故

反

然而身死於庸夫此皆乘至盛而不返道理不居卑

退處儉約之患也夫商君為秦孝公明法令禁姦本尊

爵必賞有罪必罰平權衡正度量調輕重決裂阡陌以

靜生民之業而一其俗勸民耕農利土一室無二事力

田穡積習戰陳之事是以兵動而地廣兵休而國富故

秦無敵於天下立威諸侯成秦國之業功已成矣而遂

以車裂楚地方數千里持戟百萬白起率數萬之師以

與楚戰一戰舉鄢郢以燒夷陵再戰南并蜀漢又越韓
魏而攻彊趙北坑馬服誅屠四十餘萬之衆盡之于長
平之下流血成川沸聲若雷遂入圍邯鄲使秦有帝業
楚趙天下之彊國而秦之仇敵也自是之後楚趙皆懾
伏不敢攻秦者白起之勢也身所服者七十餘城功已
成矣而遂賜劍死於杜郵吳起為楚悼王立法卑滅大
臣之威重罷無能廢無用捐不急之官塞私門之請一
楚國之俗禁游客之民精耕戰之士南收揚越北并陳

蔡破橫散從使馳說之士無所開其口禁朋黨以厲百
姓定楚國之政兵震天下威服諸侯功已成矣而卒枝
解大夫種為越王深謀遠計免會稽之危以亡為存因
辱為榮墾草入邑辟地殖穀率四方之士專上下之力
輔句踐之賢報夫差之讐卒擒勁吳今越成霸功已彰
而信矣句踐終負而殺之此四子者功成不去禍至於
此此所謂信而不能詘往而不能返者也范蠡知之超
然辟世長為陶朱公君獨不觀夫博者乎或欲大投或

欲分功此皆君之所明知也今君相秦計不下席謀不出

廊廟坐制諸侯利施三川以實宜陽

施猶展也言伐得三川之地以實宜

陽言展開三川實宜陽

決羊腸之險塞太行之道又斬范中行之

塗六國不得合從棧道千里通於蜀漢使天下皆畏秦

秦之欲得矣君之功極矣此亦秦之分功之時也如是

而不退則商君白公吳起大夫種是也吾聞之鑒於水

者見面之容鑒於人者知吉與凶書曰成功之下不可

久處四子之禍君何居焉君何不以此時歸相印讓賢

者而授之退而巖居川觀必有伯夷之蘓長為應侯世
世稱孤而有許田延陵季子之讓喬松之壽孰與以禍
終哉即君何居焉忍不能自離疑不能自決必有四子
之禍矣易曰元龍有悔此言上而不能下信而不能詘
往而不能自返者也願君孰計之應侯曰善吾聞欲而
不知止失其所以欲有而不知足失其所以有先生幸
教雖敬受命於是乃延入坐為上客後數日入朝言於
秦昭王曰客新有從山東來者曰蔡澤其人辯士明於三

王之事五伯之業世俗之變足以寄秦國之政臣之見人甚衆莫及臣不如也臣敢以聞秦昭王召見與語大說之拜為客卿應侯因謝病請歸相印昭王彊起應侯應侯遂稱病篤范雎免相昭王新說蔡澤計畫遂拜為秦相東收周室蔡澤相秦數月人或惡之懼誅乃謝病歸相印號為綱成君居秦十餘年事昭王孝文王莊襄王卒事始皇帝為秦使於燕三年而燕使太子丹入質於秦

太史公曰韓子稱長袖善舞多錢善賈信哉是言也范
睢蔡澤世所謂一切辯士然游說諸侯至白首無所遇
者非計策之拙所為說力少也及二人羈旅入秦繼踵
取卿相垂功於天下者固彊弱之勢異也然士亦有偶
合賢者多如此二子不得盡意豈可勝道哉然二子不
困厄惡能激乎



史記正義卷七十九

欽定四庫全書

史部

史記正義卷八十至八十五

詳校官編修臣李如筠

欽定四庫全書

史記正義卷八十

唐 張守節 撰

樂毅列傳第二十

史記八十

樂毅者其先祖曰樂羊樂羊為魏文侯將伐取中山

今定州

魏文侯封樂羊以靈壽

今鎮州靈壽

樂羊死葬於靈壽其後

子孫因家焉中山復國至趙武靈王時復滅中山而樂氏復有樂毅樂毅賢好兵趙人舉之及武靈王有沙丘

之亂乃去趙適魏聞燕昭王以子之之亂而齊大敗燕
燕昭王怨齊未嘗一日而忘報齊也燕國小辟遠力不能制

於是屈身下士先禮郭隗

說苑云燕昭王問於隗曰寡人

奴驅馳樓煩之下以狐之不肖得承宗廟恐社稷危存
之有道乎隗曰帝者之臣其名臣其實僕危國之臣其
名臣其實友霸者之臣其名臣其實僕危國之臣其
名臣其實虜今王將自東西目指氣使以求臣則所役
之才至矣南面聽朝不失揖讓之理以求臣則人臣之才
至矣北面等禮不乘之以勢以求臣則朋友之才至矣
西面逡巡以求臣則師傅之才至矣誠欲與王霸同以
道隗請為天下之士開路於是常置隗為上客也以

招賢者樂毅於是為魏昭王使於燕燕王以客禮待之

樂毅辭讓遂委質為臣燕昭王以為亞卿久之當是時

齊湣王彊南敗楚相唐昧於重邱

在冀州城西武縣界

西摧三晉

於觀津

在冀州武邑縣東南二十五里

遂與三晉擊秦助趙滅中山破

宋廣地千餘里與秦昭王爭重為帝已而復歸之諸侯

皆欲背秦而服於齊湣王自矜百姓弗堪於是燕昭王

問伐齊之事樂毅對曰齊霸國之餘業也地大人衆未

易獨攻也王必欲伐之莫如與趙及楚魏於是使樂毅

約趙惠文王別使連楚魏令趙嚙秦以伐齊之利諸侯

害齊湣王之驕暴皆爭合從與燕伐齊樂毅還報燕昭王悉起兵使樂毅為上將軍趙惠文王以相國印授樂毅樂毅於是并護趙楚韓魏燕之兵以伐齊破之濟西諸侯兵罷歸而燕軍樂毅獨追至于臨菑齊湣王之敗齊西亡走保於莒樂毅獨留徇齊齊皆城守樂毅攻入臨菑盡取齊寶財物祭器輸之燕燕昭王大說親至濟上勞軍行賞饗士封樂毅於昌國

故昌城在潯州潯川縣東北四十里也號

為昌國君於是燕昭王收齊國獲以歸而使樂毅復以

兵平齊城之不下者樂毅留徇齊五歲下齊七十餘城

皆為郡縣以屬燕唯獨莒即墨未服

即墨今萊州

會燕昭王

死子立為燕惠王惠王自為太子時嘗不快於樂毅及即位齊之田單聞之乃縱反間於燕曰齊城不下者兩城耳然所以不早拔者聞樂毅與燕新王有隙欲連兵且留齊南面而王齊齊之所患唯恐他將之來於是燕惠王固已疑樂毅得齊反間乃使騎劫代將而召樂毅樂毅知燕惠王之不善代之畏誅遂西降趙趙封樂毅

於觀津號曰望諸君尊寵樂毅以警動於燕齊田單
後與騎刦戰果設詐誑燕軍遂破騎刦於即墨下而轉
戰逐燕北至河上

滄德二州之北河

盡復得齊城而迎襄王於

莒入于臨菑燕惠王後悔使騎刦代樂毅以故破軍亡
將失齊又怨樂毅之降趙恐趙用樂毅而乘燕之弊以
代燕燕惠王乃使人讓樂毅且謝之曰先王舉國而委
將軍將軍為燕破齊報先王之讐天下莫不震動寡人
豈敢一日而忘將軍之功哉會先王棄羣臣寡人新即

位左右誤寡人寡人之使騎刳代將軍為將軍久暴露
於外故召將軍且休計事將軍過聽以與寡人有隙遂捐
燕歸趙將軍自為計則可矣而亦何以報先王之所以
遇將軍之意乎樂毅報遺燕惠王書曰臣不佞不能奉
承王命以順左右之心恐傷先王之明有害足下之義
故遁逃走趙今足下使人數之以罪臣恐侍御者不察
先王之所以畜幸臣之理又不白臣之所以事先王之
心故敢以書對臣聞賢聖之君不以祿私親其功多者

賞之其能當者處之故察能而授官者成功之君也論
行而結交者立名之士也臣竊觀先王之舉也見有高世

主之心

樂毅見燕昭有自高尊世上人主之心故假魏節使燕

故假節於魏以身

得察於燕先王過舉廁之賓客之中立之羣臣之上不

謀父兄

杜預云兄同姓羣臣也

以為亞卿臣竊不自知自以為奉

令承教可幸無罪故受令而不辭先王命之曰我有積
怨深怒於齊不量輕弱而欲以齊為事臣曰夫齊霸國
之餘業而最勝之遺事也練於兵甲習於戰攻王若欲

伐之必與天下圖之與天下圖之莫若結於趙且又淮
北宋地楚魏之所欲也趙若許而約四國攻之齊可大
破也先王以為然具符節南使臣於趙顧反命起兵擊
齊以天之道先王之靈河北之地隨先王而舉之濟上

濟水之上
在齊上

濟上之軍受命擊齊大敗齊人輕卒銳兵長

驅至國齊王遁而走莒僅以身免珠玉財寶車甲珍器

盡收入于燕齊器設於寧臺

括地志云燕元英磨室二
宮皆燕宮在幽州薊縣西

四里寧
臺之下

大呂陳於元英故鼎反乎磨室

括地志云磨室
宮名高誘云燕

喻亂齊伐燕殺喻得
鼎今反歸燕故鼎

薊邱之植植於汶篁

幽州薊地西
北隅有薊邱

又汶水源出兗州博城
縣東北原山西南入沛

自五伯已來功未有及先王者

也先王以為慊於志故裂地而封之使得比小國諸侯
臣竊不自知自以為奉命承教可幸無罪是以受命不
辭臣聞賢聖之君功立而不廢故著於春秋蚤知之士
名成而不毀故稱於後世若先王之報怨雪耻夷萬乘
之彊國收八百歲之蓄積及至棄羣臣之日餘教未衰
執政任事之臣脩法令慎庶孽施及乎萌隸皆可以教

後世臣聞之善作者不必善成善始者不必善終昔伍
子胥說聽於闔閭而吳王遠迹至郢夫差弗是也賜之
鵠夷而得之江吳王不寤先論之可以立功故沈子胥
而不悔子胥不蚤見主之不同量是以及於入江而不化
夫免身立功以明先王之迹臣之上計也離毀辱之誅
謗墮先王之名臣之所大恐也臨不測之罪以幸為利
義之所不敢出也臣聞古之君子交絕不出惡聲君子之人
交絕不說已忠臣去國不絜其名言不潔已名行而咎
長而談彼短
於君若箕子不忍言

殷惡是也

臣雖不佞數奉教於君子矣恐侍御者之親左右

之說不察踈遠之行故敢獻書以聞唯君王之留意焉

於是燕王復以樂毅子樂間為昌國君而樂毅往來復

通燕燕趙以為客卿樂毅卒於趙樂間居燕三十餘年

燕王喜用其相栗腹之計欲攻趙而問昌國君樂間樂

間曰趙四戰之國也

東隣燕齊西邊秦樓煩南界韓魏北迫匈奴

其民習兵

伐之不可燕王不聽遂伐趙趙使廉頗擊之大破栗腹

之軍於鄢禽栗腹樂乘樂乘者樂間之宗也於是樂間

奔趙趙遂圍燕燕重割地以與趙和趙乃解而去燕王
恨不用樂間樂間既在趙乃遺樂間書曰紂之時箕子
不用犯諫不急以冀其聽商容不達身祇辱焉以冀其
變及民志不入獄囚自出然後二子退隱故紂負桀暴
之累二子不失忠聖之名何者其憂患之盡矣今寡人雖
愚不若紂之暴也燕民雖亂不若殷民之甚也室有語
不相盡以告鄰里

言家室有忿爭不決必告鄰里今故以書相告也

二者寡人

不為君取也

二者謂燕君未如紂燕民未如殷民復相告子反燕以疑君民之惡是寡人不謂君

之樂間樂乘怨燕不聽其計二人卒留趙趙封樂乘為

武襄君其明年樂乘廉頗為趙圍燕燕重禮以和乃解

後五歲趙孝成王卒襄王使樂乘代廉頗廉頗攻樂乘

樂乘走廉頗亡入魏其後十六年而秦滅趙其後二十

餘年高帝過趙問樂毅有後世乎對曰有樂叔高帝封

之樂鄉

地理志云信
都有樂鄉縣

號曰華成君華成君樂毅之孫也

而樂氏之族有樂瑕公樂臣公趙且為秦所滅亡

之齊高密樂臣公善脩黃帝老子之言顯聞於齊稱賢

師

太史公曰始齊之蒯通及主父偃讀樂毅之報燕王書
未嘗不廢書而泣也樂臣公學黃帝老子其本師號曰河
上丈人不知其所出河上丈人教安期生安期生教毛
翁公毛翁公教樂瑕公樂瑕公教樂臣公樂臣公教蓋
公蓋公教於齊高密膠西為曹相國師

史記正義卷八十

欽定四庫全書

史記正義卷八十一

唐 張守節 撰

廉頗藺相如列傳第二十一 史記八十一

廉頗者趙之良將也趙惠文王十六年廉頗為趙將伐

齊大破之取晉陽

晉陽在曹州乘氏縣西北四十七里也

拜為上卿以勇

氣聞於諸侯藺相如者趙人也為趙宦者令繆賢舍人

趙惠文王時得楚和氏璧秦昭王聞之使人遺趙王書

願以十五城請易璧趙王與大將軍廉頗諸大臣謀欲予秦秦城恐不可得徒見欺欲勿予即患秦兵之來計未定求人可使報秦者未得宦者令繆賢曰臣舍人藺相如可使王問何以知之對曰臣嘗有罪竊計欲亡走燕臣舍人相如止臣曰君何以知燕王臣語曰臣嘗從大王與燕王會境上燕王私握臣手曰願結友以此知之故欲往相如謂臣曰夫趙彊而燕弱而君幸於趙王故燕王欲結於君今君乃亡趙走燕燕畏趙其勢必不

敢留君而東君歸趙矣君不如肉袒伏斧質請罪則幸
得脫矣臣從其計大王亦幸赦臣臣竊以為其人勇士
有智謀宜可使於是王召見問藺相如曰秦王以十五
城請易寡人之璧可予不相如曰秦彊而趙弱不可不
許王曰取吾璧不予我城奈何相如曰秦以城求璧而
趙不許曲在趙趙予璧而秦不予趙城曲在秦均之二
策寧許以負秦曲王曰誰可使者相如曰王必無人臣
願奉璧往使城入趙而璧留秦城不入臣請完璧歸趙

趙王於是遂遣相如奉璧西入秦秦王坐章臺見相如相如奉璧奏秦王秦王大喜傳以示美人及左右左右皆呼萬歲相如視秦王無意償趙城乃前曰璧有瑕請指示王王授璧相如因持璧却立倚柱怒髮上衝冠謂秦王曰大王欲得璧使人發書至趙王趙王悉召羣臣議皆曰秦貪負其彊以空言求璧償城恐不可得議不欲予秦璧臣以為布衣之交尚不相欺況大國乎且以一璧之故逆彊秦之驪不可於是趙王乃齎戒五日使

臣奉璧拜送書於庭何者嚴大國之威以脩敬也今臣至大王見臣列觀禮節甚倨得璧傳之美人以戲弄臣觀大王無意償趙王城邑故臣復取璧大王必欲急臣臣頭今與璧俱碎於柱矣相如持其璧晚柱欲以擊柱秦王恐其破璧乃辭謝固請召有司案圖指從此以往十五都予趙相如度秦王特以詐佯為予趙城實不可得乃謂秦王曰和氏璧天下所共傳寶也趙王恐不敢不獻趙王送璧時齋戒五日今大王亦宜齋戒五日設

九賓於廷

劉伯莊云九賓者周王備之禮天子臨軒九服同會秦趙何得九賓但亦陳設車輅文物

耳臣乃敢上璧秦王度之終不可彊奪遂許齋五日舍

相如廣成傳舍相如度秦王雖齋決負約不償城乃使其從者衣褐懷其璧從徑道亡歸璧于趙秦王齋五日後乃設九賓禮於廷引趙使者藺相如相如至謂秦王曰秦自繆公以來二十餘君未嘗有堅明約束者也臣誠恐見欺於王而負趙故令人持璧歸間至趙矣且秦彊而趙弱大王遣一介之使至趙趙立奉璧來今以秦

之彊而先割十五都予趙趙豈敢留璧而得罪於大王乎臣知欺大王之罪當誅臣請就湯鑊唯大王與羣臣熟計議之秦王與羣臣相視而嘻左右或欲引相如去秦王因曰今殺相如終不能得璧也而絕秦趙之驩不如因而厚遇之使歸趙趙王豈以一璧之故欺秦邪卒廷見相如畢禮而歸之相如既歸趙王以為賢大夫使不辱於諸侯拜相如為上大夫秦亦不以城予趙趙亦終不予秦璧其後秦伐趙拔石城

故石城在相州林慮縣南九十里也明

年復攻趙殺二萬人秦王使使者告趙王欲與王為好會於西河外澠池趙王畏秦欲毋行廉頗藺相如計曰王不行示趙弱且怯也趙王遂行相如從廉頗送至境與王訣曰王行度道里會遇之禮畢還不過三十日三十日不還則請立太子為王以絕秦望王許之遂與秦王會澠池秦王飲酒酣曰寡人竊聞趙王好音請奏瑟趙王鼓瑟秦御史前書曰某年月日秦王與趙王會飲今趙王鼓瑟藺相如前曰趙王竊聞秦王善為秦聲請

奉盆缶秦王以相娛樂

飯音餅

秦王怒不許於是相如前

進缶因跪請秦王秦王不肯擊缶相如曰五步之內相

如請得以頸血澣大王矣

澣音贊

左右欲刃相如相如張

目叱之左右皆靡於是秦王不懌為一擊缶相如顧召

趙御史書曰某年月日秦王為趙王擊缶秦之羣臣曰請以

趙十五城為秦王壽藺相如亦曰請以秦之咸陽為趙

王壽秦王竟酒終不能加勝於趙趙亦盛設兵以待秦

秦不敢動既罷歸國以相如功大拜為上卿位在廉頗

之右

秦漢以前
用右為上

廉頗曰我為趙將有攻城野戰之大功而

藺相如徒以口舌為勞而位居我上且相如素賤人吾羞不忍為之下宣言曰我見相如必辱之相如聞不肯與會相如每朝時常稱病不欲與廉頗爭列已而相如出望見廉頗相如引車避匿於是舍人相與諫曰臣所以去親戚而事君者徒慕君之高義也今君與廉頗同列廉君宣惡言而君畏匿之恐懼殊甚且庸人尚羞之況於將相乎臣等不肖請辭去藺相如固止之曰公之

視廉將軍孰與秦王曰不若也相如曰夫以秦王之威而相如廷叱之辱其羣臣相如雖驕獨畏廉將軍哉顧吾念之彊秦之所以不敢加兵於趙者徒以吾兩人在也今兩虎共鬪其勢不俱生吾所以為此者以先國家之急而後私讐也廉頗聞之肉袒負荊因賓客至藺相如門謝罪曰鄙賤之人不知將軍寬之至此也卒相與驩為刎頸之交是歲廉頗東攻齊破其一軍居二年廉頗復伐齊幾拔之

幾音祈在相路之間

後三年廉頗攻魏之防陵

城在相州安陽縣南
二十里因防水為名

安陽拔之後四年蘭相如將而攻

齊至平邑而罷

故城在魏州昌樂縣東北三十里

其明年趙奢破秦軍

關與下

趙奢者趙之田部吏也收租稅而平原君家不肯出趙
奢以法治之殺平原君用事者九人平原君怒將殺奢
奢因說曰君於趙為貴公子今縱君家而不奉公則法
削法削則國弱國弱則諸侯加兵諸侯加兵是無趙也
君安得有此富乎以君之貴奉公如法則上下平上下

平則國彊國彊則趙固而君為貴戚豈輕於天下邪平
原君以為賢言之於王王用之治國賦國賦大平民富
而府庫實秦伐韓軍於闕與王召廉頗而問曰可救不
對曰道遠險狹難救又召樂乘而問焉樂乘對如廉頗
言又召問趙奢奢對曰其道遠險狹譬之猶兩鼠鬪於
穴中將勇者勝王乃令趙奢將救之兵去邯鄲三十里
而令軍中曰有以軍事諫者死秦軍軍武安西秦軍鼓
譟勒兵武安屋瓦盡振軍中候有一人言急救武安趙

奢立斬之堅壁留二十八日不行復益增壘秦間來入
趙奢善食而遣之間以報秦將秦將大喜曰夫去國三十里

國謂邯鄲
趙之都地

而軍不行乃增壘關與非趙地也趙奢既已

遣秦間乃卷甲而趨之二日一夜至令善射者去關與
五十里而軍軍壘成秦人聞之悉甲而至軍士許厯請
以軍事諫趙奢曰內之許厯曰秦人不意趙師至此其
來氣盛將軍必厚集其陣以待之不然必敗趙奢曰請受令
許厯曰請就欽質之誅趙奢曰胥後令

胥猶頻也軍去
城都三十里

而不行未有計過險陝恐人諫令急救武安乃出此
今令垂戰須得謀策不用前令故云須後令云耳

邯

鄆許歷復請諫曰先據北山上者勝

關與山在洛州武安縣西南五十里

趙奢距秦軍於關與即此山也按括地志云言拒秦軍
在北山疑其大近洛州既去邯鄲三十里而軍又云移
之二日一夜至關與五十里而軍壘城據今洛州去洛州三
百里間而隔相州恐洛州關與聚城是所拒據處

後至者敗趙奢許諾即發萬人趨之秦兵後至爭山不
得上趙奢縱兵擊之大破秦軍秦軍解而走遂解關與
之圍而歸趙惠文王賜奢號為馬服君以許歷為國尉
趙奢於是與廉頗藺相如同位後四年趙惠文王卒子

孝成王立七年秦與趙兵相距長平時趙奢已死而蘭
相如病篤趙使廉頗將攻秦秦數敗趙軍趙軍固壁不
戰秦數挑戰廉頗不肯趙王信秦之間秦之間言曰秦之所
惡獨畏馬服君趙奢之子趙括為將耳趙王因以括為將
代廉頗蘭相如曰王以名使括若膠柱而鼓瑟耳括徒
能讀其父書傳不知合變也趙王不聽遂將之趙括自
少時學兵法言兵事以天下莫能當嘗與其父奢言兵
事奢不能難然不謂善括母問奢其故奢曰兵死地也

而括易言之使趙不將括卽已若必將之破趙軍者必括也及括將行其母上書言於王曰括不可使將王曰何以對曰始妾事其父時為將身所奉飯飲而進食者以十數

奉音捧

所友者以百數大王及宗室所賞賜者盡

以予軍吏士大夫受命之日不問家事今括一旦為將東向而朝軍吏無敢仰視之者王所賜金帛歸藏於家而日視便利田宅可買者買之王以為何如其父父子異心願王勿遣王曰母置之吾已決矣括母因曰王終

遣之即有如不稱妾得無隨坐乎王許諾趙括既代廉頗悉更約束易置軍吏秦將白起聞之縱奇兵佯敗走而絕其糧道分斷其軍為二士卒離心四十餘日軍餓趙括出銳卒自搏戰秦軍射殺趙括括軍敗數十萬之衆遂降秦秦悉阡之趙前後所亡凡四十五萬明年秦兵遂圍邯鄲歲餘幾不得脫賴楚魏諸侯來救乃得解邯鄲之圍趙王亦以括母先言竟不誅也自邯鄲圍解五年而燕用栗腹之謀曰趙壯者盡於長平其孤未

壯舉兵擊趙趙使廉頗將擊大破燕軍於鄣殺栗腹遂
圍燕燕割五城請和乃聽之趙以尉文封廉頗為信平
君為假相國廉頗之免長平歸也失勢之時故客盡去
及復用為將客又復至廉頗曰客退矣客曰吁君何見
之晚也夫天下以市道交君有勢我則從君君無勢則
去此固其理也有何怨乎居六年趙使廉頗伐魏之繁
陽在相州內黃縣東北也拔之趙孝成王卒子悼襄王立使樂乘
代廉頗廉頗怒攻樂乘樂乘走廉頗遂奔魏之大梁其

欽定四庫全書

卷八十一

明年趙乃以李牧為將而攻燕拔武遂方城

武遂易州
遂城也方

城幽州固安
縣南十里

廉頗居梁久之魏不能信用趙以數困於

秦兵趙王思復得廉頗廉頗亦思復用於趙趙王使使
者視廉頗尚可用否廉頗之仇郭開多與使者金令毀
之趙使者既見廉頗廉頗為之一飯斗米肉十斤被甲
上馬以示尚可用趙使還報王曰廉將軍雖老尚善飯
然與臣坐頃之三遺矢矣趙王以為老遂不召楚聞廉
頗在魏陰使人迎之廉頗一為楚將無功曰我思用趙

人廉頗卒死於壽春

廉頗墓在壽州壽春縣北四里
蘭相如墓在邯鄲西南六里

李牧者趙之北邊良將也常居代鴈門備匈奴

今鴈門
縣在代

地故云
鴈門也

以便宜置吏市租皆輸入莫府為士卒費日擊

數牛饗士習射騎謹烽火多間謀厚遇戰士為約曰匈奴

即入盜急入收保有敢捕虜者斬匈奴每入烽火謹

輒入收保不敢戰如是數歲亦不亡失然匈奴以李牧

為怯雖趙邊兵亦以為吾將怯趙王讓李牧李牧如故

趙王怒召之使他代人代將歲餘匈奴每來出戰出戰數

不利失亡多邊不得田畜

許又反

復請李牧牧杜門不出

固稱疾趙王乃復彊起使將兵牧曰王必用臣臣如前
乃敢奉令王許之李牧至如故約匈奴數歲無所得終
以為怯邊士日得賞賜而不用皆願一戰於是乃具選
車得千三百乘選騎得萬三千匹百金之士五萬人穀
者十萬人悉勒習戰大縱畜牧人民滿野匈奴小入佯
北不勝以數千人委之單于聞之大率衆來入李牧多
為奇陳張左右翼擊之大破殺匈奴十餘萬騎滅檐檻

破東胡降林胡單于奔走其後十餘歲匈奴不敢近趙
邊城趙悼襄王元年廉頗既亡入魏趙使李牧攻燕拔
武遂方城居二年龐煖破燕軍殺劇辛後七年秦破趙
殺將扈輒於武遂城斬首十萬趙乃以李牧為大將軍
擊秦軍於宜安在桓州橐城縣西南二十里大破秦軍走秦將桓齮
封李牧為武安君居三年秦攻番吾在桓州房山縣東二十里也李
牧擊破秦軍南距韓魏趙王遷七年秦使王翦攻趙趙
使李牧司馬尚禦之秦多與趙王寵臣郭開金為反間

言李牧司馬尚欲反趙王乃使趙蔥及齊將顏聚代李牧李牧不受命趙使人微捕得李牧斬之廢司馬尚後三月王翦因急擊趙大破殺趙蔥虜趙王遷及其將顏聚遂滅趙

太史公曰知死必勇非死者難也處死者難方蘭相如引璧晚柱及叱秦王左右勢不過誅然士或怯懦而不敢發相如一奮其氣威信敵國退而讓頗名重太山其處智勇可謂兼之矣

史記正義卷八十一

欽定四庫全書

史記正義卷八十二

唐 張守節 撰

田單列傳第二十二

史記八十二

田單者齊諸田疏屬也。湣王時，單為臨菑市掾，不見知。及燕使樂毅伐破齊，齊湣王出奔，已而保莒城。燕師長驅平齊，而田單走安平，令其宗人盡斷其車軸末而傅鐵籠已。而燕軍攻安平城，壞齊人走，爭塗以轆折車敗。

為燕所虜唯田單宗人以鐵籠故得脫東保即墨燕既盡降齊城唯獨莒即墨不下燕軍聞齊王在莒并兵攻之淖齒既殺湣王於莒因堅守距燕軍數年不下燕引兵東圍即墨即墨大夫出與戰敗死城中相與推田單曰安平之戰田單宗人以鐵籠得全習兵立以為將軍以即墨拒燕頃之燕昭王卒惠王立與樂毅有隙田單聞之乃縱反間於燕宣言曰齊王已死城之不拔者二耳樂毅畏誅而不敢歸以伐齊為名實欲連兵南面而王齊

齊人未附故且緩攻即墨以待其事齊人所懼唯恐他將之來即墨殘矣燕王以為然使騎刳代樂毅樂毅因歸趙燕人士卒忿而田單乃令城中人食必祭其先祖於庭飛鳥悉翔舞城中下食燕人怪之田單因宣言曰神來下教我乃令城中人曰當有神人為我師有一卒曰臣可以為師乎因反走田單乃起引還東鄉坐師事之卒曰臣欺君誠無能也田單曰子勿言也因師之每出約束必稱神師乃宣言曰吾唯懼燕軍之剽所得齊

卒置之前行

戶郎反

與我戰即墨敗矣燕人聞之如其言

城中人見齊諸降者盡剽皆怒堅守唯恐見得單又縱

反間曰吾懼燕人掘吾城外冢墓僂先人可為寒心燕

軍盡掘壟墓燒死人即墨人從城上望見皆涕泣其欲

出戰怒自十倍田單知士卒之可用乃身操版挿

古之軍行

帝負板挿也

與士卒分功妻妾編於行伍之間盡散飲食饗

士令甲卒皆伏使老弱女子乘城遣使約降於燕燕軍

皆呼萬歲田單又收民金得千溢令即墨富豪遺燕將

曰即墨即降願無虜掠吾族家妻妾令安堵燕將大喜
許之燕軍由此益懈田單乃收城中得千餘牛為絳綰
衣畫以五彩龍文束兵刃於其角而灌脂束葦於尾燒
其端鑿城數十穴夜縱牛壯士五千人隨其後牛尾熱
怒而奔燕軍燕軍夜大驚牛尾炬火光明炫燿燕軍視
之皆龍文所觸盡死傷五千人因銜枚擊之而城中鼓
譟從之老弱皆擊銅器為聲聲動天地燕軍大駭敗走
齊人遂夷殺其將騎刳燕軍擾亂奔走齊人追亡逐北

所過城邑皆畔燕而歸田單兵日益多乘勝燕日敗亡
卒至河上而齊七十餘城皆復為齊乃迎襄王於莒入
臨菑而聽政襄王封田單號曰安平君

太史公曰兵以正合以奇勝善之者出奇無窮奇正還

相生

當猶合也言正兵當陣張左右翼掩其不備則奇正合敗敵也

如環之無端夫始

如處女適人開戶

敵人謂燕軍也言燕軍被田單反間易將及被卒燒壘墓而令齊卒甚怒

是敵人為單開門戶也

後如脫兔適不及距其田單之謂邪初悼

齒之殺湣王也莒人求湣王子法章得之大史嬖之家

嫩音 岐

為人灌園嫩女憐而善遇之後法章私以情告女

女遂與通及莒人共立法章為齊王以莒距燕而太史

氏女遂為后所謂君王后也燕之初入齊聞畫邑人

括地

志云戰里城在臨淄西北三十里春秋時棘邑又云瀋邑蠋所居即此邑因瀋水為名也

王蠋賢

令軍中曰環畫邑三十里無入以王蠋之故已而使人謂

蠋曰齊人多高子之義吾以子為將封子萬家蠋固謝

燕人曰子不聽吾引三軍而屠畫邑王蠋曰忠臣不事

二君貞女不更二夫齊王不聽吾諫故退而耕於野國

既破亡吾不能存今又劫之以兵為君將是助桀為暴也與其生而無義固不如烹遂經其頸於樹枝自奮絕脰而死齊亡大夫聞之曰王蠋布衣也義不北面於燕況在位食祿者乎乃相聚如莒求諸子立為襄王

史記正義卷八十二

欽定四庫全書

史記正義卷八十三

唐 張守節 撰

魯仲連鄒陽列傳第二十三 史記八十三

魯仲連者齊人也好奇偉倅儻之畫策

倅天厯反魯仲連子云齊辯士

田巴服狙邱議稷下毀五帝罪三王服五伯離堅白合同異一曰服千人有徐刳者其弟子曰魯仲連年十二號千里駒往請田巴曰臣聞堂上不奮郊草不芸白刃交前不救流矢急不暇緩也今楚軍南陽趙伐高堂燕人十萬踰城不去國亡在旦夕先生奈何若不能者先生之言有似泉鳴出城而人惡之先生勿復言田巴

曰謹聞命矣已謂徐刼曰先生乃而不肯仕官任職好非免也豈直千里駒已終身不談

持高節游於趙趙孝成王時而秦王使白起破趙長平之軍前後四十餘萬秦兵遂東圍邯鄲趙王恐諸侯之救兵莫敢擊秦兵魏安釐王使將軍晉鄙救趙畏秦止於蕩陰不進

蕩天郎反
相州縣

魏王使客將軍新垣衍間入邯鄲

因平原君謂趙王曰秦所為急圍趙者前與齊湣王爭彊為帝已而復歸帝今齊湣王已益弱方今唯秦雄天下此非必貪邯鄲其意欲復求為帝趙誠發使尊秦昭

王為帝秦必喜罷兵去平原君猶預未有所決此時魯仲連適游趙會秦圍趙聞魏將欲令趙尊秦為帝乃見平原君曰事將奈何平原君曰勝也何敢言事前亡四十萬之衆於外今又內圍邯鄲而不能去魏王使客將軍新垣衍令趙帝秦今其人在是勝也何敢言事魯仲連曰吾始以君為天下之賢公子也吾乃今然後知君非天下之賢公子也梁客新垣衍安在吾請為君責而歸之平原君曰勝請為紹介而見之於先生平原君遂

見新垣衍曰東國有魯仲連先生者今其人在此勝請
為紹介交之於將軍新垣衍曰吾聞魯仲連先生齊國
之高士也衍人臣也使事有職吾不願見魯仲連先生
平原君曰勝既已泄之矣新垣衍許諾魯連見新垣衍
而無言新垣衍曰吾視居此圍城之中者皆有求於平
原君者也今吾觀先生之玉貌非有求於平原君者也
曷為久居此圍城之中而不去魯仲連曰世以鮑焦為
無從頌而死者皆非也

韓詩外傳云姓鮑名焦周時隱者也歸行非世應節而守荷擔

採樵拾橡充食故無子脩不臣天子不友諸侯子貢遇之謂之曰吾聞非其政者不履其土污其君者不受其利今子履其地食其利其可乎鮑焦曰吾聞廉士重進而輕退賢人易愧而輕死遂抱木立枯焉按魯仲連留趙不去者衆人不知則為一身彼秦者弃禮義而上首非為一身

功之國也權使其士虜使其民彼即肆然而為帝過

至

字為絕句肆然其志意也言秦得肆志為帝恐有烹醢納寃徧行天子之禮過失也而為政於天

下若趙魏帝秦得行政教於天下魯連臨東海而溺死不忍為秦百姓則連有臨東海而

死耳吾不忍為之民也所為見將軍者欲以助趙也新垣衍曰先王助之將奈何魯連曰吾將使梁及燕助之

齊楚則固助之矣新垣衍曰燕則吾請以從矣若乃梁者則吾乃梁人也先生惡能使梁助之魯連曰梁未睹秦稱帝之害故耳使梁睹秦稱帝之害則必助趙矣新垣衍曰秦稱帝之害何如魯連曰昔者齊威王嘗為仁義矣率天下諸侯而朝周周貧且微諸侯莫朝而齊獨朝之居歲餘周烈王崩

周本紀及年表云烈王七年崩齊威王十年也與徐不同

齊後往周怒赴於齊

鄭元云赴告也今文赴作訃

曰天崩地坼天子

下席東藩之臣因齊後至則斲齊威王勃然怒曰叱嗟

而母婢也

馬烈王
后也

卒為天下笑故生則朝周死則叱之誠

不忍其求也彼天子固然其無足怪新垣衍曰先生獨

不見夫僕乎十人而從一人者寧力不勝而智不若邪

畏之也魯仲連曰嗚呼梁之比於秦若僕邪新垣衍曰

然魯仲連曰吾將使秦王烹醢梁王新垣衍怏然不悅曰

怏於
尚反

噫嘻亦太甚矣先生之言也先生又惡能使秦王

烹醢梁王魯仲連曰固也吾將言之昔者九侯鄂侯

九侯

城在相州溢陽
縣西南五十里

文王紂之三公也九侯有子而好獻之

於紂紂以為惡醢九侯鄂侯爭之彊辯之疾故脯鄂侯

文王聞之喟然而歎故拘之牖里之庫百日

相州蕩陰縣北九里有羑城

欲

今之死曷為與人俱稱王卒就脯醢之地齊湣王將之

魯夷維子為執策而從

宋州高密縣古夷安城應劭云故萊夷維邑也蓋因邑為姓子者

男子之英號又云子爵也

謂魯人曰子將何以待吾君魯人曰吾將

以十太牢待子之君夷維子曰子安取禮而來吾君彼

吾君者天子也天子巡狩諸侯辟舍納莞簟攝衽抱机

衽音而甚反

視膳於堂下天子已食乃退而聽朝也魯人投

其籒不果納

籒即輪匙也投輪匙於地

不得入於魯將之薛

薛侯故城在徐

州滕縣界也

假途於鄒當是時鄒君死潛王欲入弔夷維子

謂鄒之孤曰天子弔主人必將倍殯棺設北面於南方

然後天子南面弔也鄒之羣臣曰必若此吾將伏劍而

死因不敢入於鄒鄒魯之臣生則不得事養死則不得

賻

衣服曰襚貨財曰賻皆助生送死之禮

然且欲行天子之禮於鄒魯

鄒魯之臣不果納今秦萬乘之國也梁亦萬乘之國也俱據

萬乘之國各有稱王之名睹其一戰而勝欲從而帝之

是使三晉之大臣不如鄒魯之僕妾也且秦無已而帝則且變易諸侯之大臣彼將奪其所不肖而與其所賢奪其所憎而與其所愛彼又將使其子女讒妾為諸侯妃姬處梁之宮梁王安得晏然而已乎而將軍又何以得故寵乎於是新垣衍起再拜謝曰始以先生為庸人吾乃今日知先生為天下之士也吾請出不敢復言帝秦秦將聞之為却軍五十里適會魏公子無忌奪晉鄙軍以救趙擊秦軍秦軍遂引而去於是平原君欲封魯

連魯連辭讓使者三終不肯受平原君乃置酒酒酣起
前以千金為魯連壽魯連笑曰所謂貴於天下之士者
為人排患釋難解紛亂而無取也即有取者是商賈之
事也而連不忍為也遂辭平原君而去終身不復見其
後二十餘年燕將攻下聊城今博州縣也聊城人或讒之燕
燕將懼誅因保守聊城不敢歸齊田單攻聊城歲餘士
卒多死而聊城不下魯連乃為書約之矢以射城中遺
燕將書曰吾聞之智者不倍時而弃利勇士不怯死而

滅名忠臣不先身而後君今公行一朝之忿不顧燕王之無臣非忠也殺身亡聊城而威不信於齊非勇也功敗名滅後世無稱焉非智也三者世主不臣說士不載故智者不再計勇士不怯死今死生榮辱貴賤尊卑此時不再至願公詳計而無與俗同且楚攻齊之南陽魏攻平陸兗州縣也而齊無南面之心以為亡南陽之害小不如得濟北之利大言齊無南面攻楚魏之心以為南陽平陸之害小不如聊城之利大言必攻之故定計審處之今秦人下兵魏不敢東面衡秦之勢

成楚國之形危齊并南陽斷右壤定濟北計猶且為之也且夫齊之必決於聊城公勿再計今楚魏交退於齊而燕救不至以全齊之兵無天下之規與聊城共據期年之敝則臣見公之不能得也且燕國大亂君臣失計上下迷惑粟腹以十萬之衆五折於外以萬乘之國被圍於趙壤削主因為天下僂笑國敝而禍多民無所歸心今公又以敝聊之民距全齊之兵是墨翟之守也

如墨

翟守宋却楚軍

食人炊骨士無反外之心是孫臏之兵也

言孫臏能

撫士卒士能見於天下雖然為公計者不如全車甲以卒無二心

報於燕車甲全而歸燕燕王必喜身全而歸於國士民如見父母交游攘臂而議於世功業可明上輔孤主以制羣臣下養百姓以資說士矯國更俗功名可立也亡意亦捐燕弃世東游於齊乎裂地定封富比乎陶衛世世稱孤與齊久存又一計也此兩計者顯名厚實也願公詳計而審處一焉且吾聞之規小節者不能成榮名惡小耻者不能立大功昔者管夷吾射桓公中其鈎篡

也遺公子糾不能死怯也

管仲傳子糾而魯殺之不能隨子糾死是怯懦畏死也

束縛桎梏辱也若此三行者世主不臣而鄉里不通鄉使管子幽囚而不出身死而不反於齊則亦名不免為辱人賤行矣臧獲且羞與之同名矣況世俗乎故管子不耻身在縲紲之中而恥天下之不治不耻不死公子糾而耻威之不信於諸侯故兼三行之過而為五霸首

按齊桓最初得周襄王賜文武胙彤弓矢矢銘故為五伯首也

名高天下而光燭鄰國

曹子為魯將三戰三北而亡地五百里鄉使曹子計不

反顧議不還踵刎頸而死則亦名不免為敗軍禽將矣
曹子棄三北之耻而退與魯君計桓公朝天下會諸侯
曹子以一劍之任枝桓公之心於壇坫之上顏色不變
辭氣不悖三戰之所亡一朝而復之天下震動諸侯驚
駭威加吳越若此二士者非不能成小廉而行小節也
以為殺身亡軀絕世滅後功名不立非智也故去慙慙
之怨立終身之名棄慙慙之節

慙數粉反
慙於緣反

定累世之功

是以業與三王爭流而名與天壤相弊也願公擇一而行

之燕將見魯連書泣三日猶預不能自決欲歸燕已有
隙恐誅欲降齊所殺虜於齊甚衆恐已降而後見辱喟
然歎曰與人刃我寧自刃乃自殺聊城亂田單遂屠聊
城歸而言魯連欲爵之魯連逃隱於海上曰吾與富貴
而詘於人寧貧賤而輕世肆志焉

鄒陽者齊人也游於梁與故吳人莊忌夫子淮陰枚生
之徒交上書而介於羊勝公孫詭之間勝等嫉鄒陽惡
之梁孝王孝王怒下之吏將欲殺之鄒陽客游以讒見禽

恐死而負累

諸不以罪死為累

乃從獄中上書曰臣聞忠無不報

信不見疑臣常以為然徒虛語耳昔者荆軻慕燕丹之義白虹貫日太子畏之衛先生為秦畫長平之事太白蝕昴而昭王疑之夫精變天地而信不喻兩主豈不哀哉今臣盡忠竭誠畢議願知左右不明卒從吏訊為世所疑是使荆軻衛先生復起而燕秦不悟也願大王熟察之昔卞和獻寶楚王削之李斯竭忠胡亥極刑是以箕子佯狂接輿辟世恐遭此患也願大王熟察卞和李

斯之意而後楚王胡亥之聽無使臣為箕子接輿所笑
臣聞比干剖心子胥鴻夷臣始不信乃今知之願大王
孰察少加憐焉諺曰有白頭如新傾蓋如故何則知與
不知也故昔樊於期逃秦之燕藉荊軻首以奉丹之事
王奢去齊之魏臨城自剄以却齊而存魏夫王奢樊於
期非新於齊秦而故於燕魏也所以去二國死兩君者
行合於志而慕義無窮也是以蘓秦不信於天下而為
燕尾生白圭戰亡六城為魏取中山何則誠有以相知

也蘓秦相燕燕人惡之於王王按劍而怒食以馱馱

音食

寺馱馱音決蹄
北狄良馬也

白圭顯於中山中山人惡之魏文侯文

侯投之以夜光之璧何則兩主二臣剖心折肝相信豈
移於浮辭哉故女無美惡入宮見妬士無賢不肖入朝
見嫉昔者司馬喜臆脚於宋卒相中山范雎摺脅折齒
於魏卒為應侯此二人者皆信必然之畫捐朋黨之私
挾孤獨之位故不能自免於嫉妬之人也是以申徒狄
自沈於河徐衍負石入海不容於世義不苟取比周於

朝以移主上之心故百里奚乞食於路繆公委之以政
甯戚飯牛車下而桓公任之以國此二人者豈借官於
朝假譽於左右然後二主用之哉感於心合於行親於
膠漆昆弟不能離豈惑於衆口哉故偏聽生姦獨任成
亂昔者魯聽季孫之說而逐孔子宋信子罕之計而囚
墨翟夫以孔墨之辯不能自免於讒諛而二國以危何
則衆口鑠金積毀銷骨也是以秦用戎人由余而霸中
國齊用越人蒙而彊威宣此二國豈拘於俗牽於世繫

阿偏之辭哉公聽並觀垂名當世故意合則胡越為昆
弟由余越人蒙是矣不合則骨肉出逐之收朱象管蔡
是矣今人主誠能用齊秦之義後宋魯之聽則五伯不
足稱三王易為也是以聖王覺寤捐子之心而能不
說於田常之賢封比干之後脩孕婦之墓故功業復就
於天下何則欲善無厭也夫晉文公親其讐彊霸諸侯
齊桓公用其仇而匡天下何則慈仁慤勤誠加於心不
可以虛辭借也至夫秦用商鞅之法東弱韓魏兵彊天

下而卒車裂之越用大夫種之謀禽勁吳霸中國而卒
誅其身是以孫叔敖三去相而不悔於陵子仲辭三公
為人灌園今人主誠能去驕傲之心懷可報之意披心
腹見情素墮肝膽施德厚終與之窮達無愛於士則桀
之狗可使吠堯而蹠之客可使刺由況因萬乘之權假
聖王之資乎然則荆軻之湛七族要離之燒妻子豈足
道哉臣聞明月之珠夜光之璧以闇投人於道路人無
不按劍相眄者何則無因而至前也蟠木根柢輪困離

詭而為萬乘器者何則以左右先為之容也故無因至
前雖出隨侯之珠夜光之璧猶結怨而不見德故有人
先談則以枯木朽株樹功而不忘今夫天下布衣窮居之士
身在貧賤雖包堯舜之術挾伊管之辯懷龍逢比干之
意欲盡忠當世之君而素無根柢之容雖竭精思欲開
忠信輔人主之治則人主必有按劍相眄之跡是使布
衣不得為枯木朽株之資也是以聖王制世御俗獨化
於陶鈞之上而不牽於卑亂之語不奪於衆多之口故

秦皇帝任中庶子蒙嘉之言以信荊軻之說而匕首竊發周文王獵涇渭載呂尚而歸以王天下故秦信左右而殺周用烏集而王何則以其能越牽拘之語馳域外之議獨觀於昭曠之道也今人主沈於諛諛之辭牽於

帷裳之制使不羈之士與牛驥同皁

顏云不羈言才識高遠不可羈係皁

在早反方言云梁宋齊楚燕之間謂樞曰皁

此鮑焦所以忿於世而不留富

貴之樂也臣聞盛飾入朝者不以利汙義砥厲名號者

不以欲傷行故縣名勝母

鹽鐵論皆云里名尸子及此傳云縣名未詳也

曾子不入邑號朝歌而墨子迴車

朝歌今衛州縣也

今欲使天

下寥廓之士攝於威重之權主於位勢之貴故回面汙行以事諂諛之人而求親近於左右則士伏死堀穴巖巖之中耳安肯有盡忠信而趨闕下者哉書奏梁孝王孝王使人出之卒為上客

太史公曰魯連其指意雖不合大義然余多其在布衣之位蕩然肆志不詘於諸侯談說於當世折卿相之權鄒陽辭雖不遜然其比物連類有足悲者亦可謂抗直

不撓矣吾是以附之列傳焉

史記正義卷八十三

欽定四庫全書

史記正義卷八十四

唐 張守節 撰

屈原賈生列傳第二十四

史記八十四

屈原者名平楚之同姓也

屈景昭皆楚之族王逸云楚王始都是生子瑕受屈為卿

因以為氏為楚懷王左徒

蓋今在左右拾遺之類

博聞彊志明於治亂

嬋於辭令入則與王圖議國事以出號令出則接遇賓客應對諸侯王甚任之上官大夫與之同列爭寵而心

害其能懷王使屈原造為憲令屈平屬草藁而未定上

官大夫見而欲奪之

王逸云上
官靳尚

屈平不與因讒之曰王

使屈平為令衆莫不知每一令出平伐其功曰以為非

我莫能為也王怒而疏屈平屈平疾王聽之不聰也讒

諂之蔽明也邪曲之害公也方正之不容也故憂愁幽

思而作離騷離騷者猶離憂也夫天者人之始也父母

者人之本也人窮則反本故勞苦倦極未嘗不呼天也疾

痛慘怛

上七感反下丁達
反慘毒也怛痛也

未嘗不呼父母也屈平正道

直行

寒孟反

竭忠盡智以事其君讒人間之可謂窮矣信

而見疑忠而被謗能無怨乎屈平之作離騷蓋自怨生

也國風好色而不淫小雅怨誹而不亂

非方畏反

若離騷者

可謂兼之矣上稱帝嚳下道齊桓中述湯武以刺世事

明道德之廣崇治亂之條貫靡不畢見其文約其辭微

其志潔其行廉其稱文小而其指極大舉類適而見義

遠其志潔故其稱物芳其行廉故死而不容自疎濯淖

汙泥之中蟬蛻於濁穢

蛻音稅去皮也又他卧反

以浮游塵埃之外

不獲世之滋垢皜然泥而不滓者也推此志也雖與日

月爭光可也

言屈平之仕濁世去其污垢在塵埃之外推此志意雖與日月爭其光明斯亦可矣

屈平既絀其後秦欲伐齊齊與楚從親

上足松反

惠王患之

乃令張儀詳去秦厚幣委質事楚曰秦甚憎齊齊與楚

從親楚誠能絕齊秦願獻商於之地六百里楚懷王貪

而信張儀遂絕齊使使如秦受地張儀詐之曰儀與王

約六里不聞六百里楚使怒去歸告懷王懷王怒大興

師伐秦秦發兵擊之大破楚師於丹陽斬首八萬

丹陽今歧

江故城

虜楚將屈匄遂取楚之漢中地

梁州

懷王乃悉發國

中兵以深入擊秦戰於藍田魏聞之襲楚至郢楚兵懼
自秦歸而齊竟怒不救楚楚大困明年秦割漢中地與
楚以和楚王曰不願得地願得張儀而甘心焉張儀聞
乃曰以一儀而當漢中地臣請往如楚如楚又因厚幣
用事者臣靳尚而設詭辯於懷王之寵姬鄭袖懷王竟
聽鄭袖復釋去張儀是時屈平既疏不復在位使於齊
顧反諫懷王曰何不殺張儀懷王悔追張儀不及其後

諸侯共擊楚大破之殺其將唐昧

昧莫暮反

時秦昭王與楚

婚欲與懷王會懷王欲行屈平曰秦虎狼之國不可信

不如無行懷王稚子子蘭勸王行奈何絕秦歡懷王卒

行入武關秦伏兵絕其後因留懷王以求割地懷王怒

不聽亡走趙趙不內復之秦竟死於秦而歸葬長子頃

襄王立以其弟子蘭為令尹楚人既咎子蘭以勸懷王

入秦而不反也屈平既嫉之雖放流睠顧楚國繫心懷王

不忘欲反冀幸君之一悟俗之一改也其存君興國而

欲反覆之一篇之中三致志焉然終無可奈何故不可以反卒以此見懷王之終不悟也人君無愚智賢不肖莫不欲求忠以自為舉賢以自佐然亡國破家相隨屬而聖君治國累世而不見者其所謂忠者不忠而所謂賢者不賢也懷王以不知忠臣之分故內惑於鄭袖外欺於張儀疏屈平而信上官大夫令尹子蘭兵挫地削亡其六郡身客死於秦為天下笑此不知人之禍也易曰井泄不食為我心惻可以汲王明並受其福王之不

明豈足福哉

言楚王不明忠臣豈是受福故屈原懷沙自沉

令尹子蘭聞之大

怒卒使上官大夫短屈原於頃襄王頃襄王怒而遷

之屈原至於江濱被髮行吟澤畔顏色憔悴形容枯槁

漁父見而問之曰子非三閭大夫歟何故而至此屈原

曰舉世混濁而我獨清衆人皆醉而我獨醒是以見放

漁父曰夫聖人者不凝滯於物而能與世推移舉世混

濁何不隨其流而揚其波衆人皆醉何不餽其糟而啜

其醕何故懷瑾握瑜而自令見放為屈原曰吾聞之新

沐者必彈冠新浴者必振衣人又誰能以身之察察受
物之汶汶者乎寧赴常流而葬乎江魚腹中耳又安能
以皓皓之白而蒙世之溫蠖乎乃作懷沙之賦其辭曰

陶陶孟夏兮草木莽莽

莫古反

傷懷永哀兮汨徂南土

眇窈窕兮靜幽墨

孔甚墨無聲言江南山高澤深視之眇野甚清淨歎無人聲

寃結

紆軫兮離愁之長鞠撫情効志兮俛詘以自抑利方以

為園方常度未替易初本由兮君子所鄙

本常也鄙耻也言人遺世

不道變易初行違離常道君子所鄙

章畫職墨兮前度未改內直質重兮

大人所盛巧匠不斷兮孰察其揆正玄文幽處兮矇謂

之不章離婁微睇兮瞽以為無明

睇田帝反眇也

變白而為黑

兮倒上以為下鳳皇在笈兮雞雉翔舞

應瑞圖云黃帝問天老曰鳳鳥

何如天老曰鳥鵠而鱗後蛇頸而魚尾龍文而龜身燕

額而雞喙首戴德頸揭義背負仁心入信翼候順履正

尾繫武小音金大音同標玉石兮一槩而相量夫黨人

之鄙妬兮羌不知吾所臧

羌音強

任重載盛兮臨滯而不

濟懷瑾握瑜兮窮不得余所示邑犬羣吠兮吠所怪也

排駿疑桀兮固庸態也文質疏內兮衆不知吾之異采

材樸委積兮莫知余之所有重仁襲義兮謹厚以為豐
重華不可悟兮孰知余之從容古固有不並兮豈知其
故也湯禹久遠兮邈不可慕也懲違改愆兮抑心而自
彊離潛而不遷兮願志之有象進路北次兮

北次將就

日昧

昧其將暮含憂虞哀兮限之以大故亂曰浩浩沅湘兮

說文云沅水出牂牁東北流入江湘水出零陵縣海山北至入江樓二水皆經岳州而入大江也 分流

汨兮脩路幽拂兮道遠忽兮曾噏恒悲兮永歎慨兮世
既莫吾知兮人心不可謂兮懷情抱質兮獨無匹兮伯

樂既歿兮驥將焉程兮人生有命兮各有所錯兮定心

廣志余何畏懼兮曾傷爰哀永歎喟兮世溷不吾知心

不可謂兮知死不可讓兮願勿愛兮明以告君子兮吾

將以為類兮

按類例也以為忠臣不事亂君之例

於是懷石遂自投汨羅

以死

故羅縣城在岳州相陰縣東北六十里春秋時羅子國秦置長沙郡而為縣也按縣北有汨水及屈

原廟續齊諧記云屈原以五月五日投汨羅而死楚人哀之每於此日以筒貯米投水祭之漢建武中長沙區

回白目忽見一人自稱三閭大夫謂曰問君常見祭甚善但常年所遺並蛟龍所竊今若有惠可以練樹葉

塞上以五色絲轉縛之此物蛟龍所憚曰依其言世人五月五日作棹并帶五色絲及練葉皆汨羅之遺風

屈原既死之後楚有宋玉唐勒景差之徒者皆好辭而
以賦見稱然皆祖屈原之從容辭令終莫敢直諫其後
楚日以削數十年竟為秦所滅自屈原沈汨羅後百有
餘年漢有賈生為長沙王太傅過湘水投書以弔屈原
賈生名誼雒陽人也年十八以能誦詩屬書聞於郡中
吳廷尉為河南守聞其秀才顏云秀楚也應劭云
避光武諱改茂才也召置
門下甚幸愛孝文皇帝初立聞河南守吳公治平為天
下第一故與李斯同邑而常學事焉乃徵為廷尉廷尉

乃言賈生年少頗通諸子百家之書文帝召以為博士
是時賈生年二十餘最為少每詔令議下諸老先生不
能言賈生盡為之對人人各如其意所欲出諸生於是
乃以為能不及也孝文帝說之超遷一歲中至大中夫
夫賈生以為漢興至孝文二十餘年天下和洽而固當
改正朔易服色法制度定官名興禮樂乃悉草具其事
儀法色尚黃數用五

漢文帝時黃龍見
成紀故改為土也

為官名悉更秦

之法孝文帝初即位謙讓未遑也諸律令所更定及列

侯悉就國其說皆自賈生發之於是天子議以為賈生

任公卿之位絳灌東陽侯馮敬之屬盡害之

絳灌周勃灌嬰也東

陽侯張相加馮敬時為御史大夫

乃短賈生曰雒陽之人年少初學專

欲擅權紛亂諸事於是天子後亦疏之不用其議乃以

賈生為長沙王太傅賈生既辭往行聞長沙卑濕自以

壽不得長又以適去意不自得及渡湘水為賦以弔屈

原其辭曰共承嘉惠兮侯罪長沙側聞屈原兮自沈汨羅造

託湘流兮敬弔先生遭世罔極兮乃隕厥身嗚呼哀哉逢

時不祥鸞鳳伏竄兮鵠巢翔翔聞苗尊顯兮讒諛得志
賢聖逆曳兮方正倒植世謂伯夷貪兮謂盜跖廉莫邪
為頓兮鉞刀為鈇于嗟嚶嚶兮生之無故幹棄周鼎兮
而寶康輶騰駕罷牛兮驂蹇驢

罷音皮

驥垂兩耳兮服鹽

車章甫薦屨兮漸不可久嗟苦先生兮獨離此咎訊曰
已矣國其莫我知獨堙鬱兮其誰語鳳漂漂其高遶兮
夫固自縮而遠去襲九淵之神龍兮沕深潛呂自珍彌
融爚

顧野王云彌遠也融明也爚光也
沒深藏以自彌遠明光以隱處也

以隱處兮夫豈

從螳與蛭螾

言寧投水合神龍豈
陸葬從蟻與蛭蚓

所貴聖人之神德兮

遠濁世而自藏使騏驎可得係羈兮豈云異夫犬羊

使

騏驎可得係縛羈絆則與犬羊無異責屈原不
去濁世以藏隱其文如纂也騏驎千里馬

般紛紛其離

此尤兮亦夫子之辜也瞞九州而相君兮何必懷此都
也鳳皇翔于千仞之上兮覽德輝焉下之見細德之險

微兮搖增翩逝而去之

搖動也增加也言見細德之人
又有陰難微起則合加動羽翩

遠逝而去之

彼尋常之汙瀆兮豈能容吞舟之魚橫江湖之

鱣鰪兮固將制於螻蟻賈生為長沙王太傅

漢文帝年
表云吳芮

之元孫差襲長沙王也傳為長沙靖王差之二年也括地志云吳芮故城在潭州長沙縣東南三百里賈誼宅在縣南三十步湘水記云誼宅中有一井誼所穿極小而深上飲下大其狀如壺傍有一扁脚石床容一人坐形流古樹相承云誼所坐

三年有鵝飛入賈生舍止於坐隅楚人命

鵝曰服賈生既以適居長沙長沙卑溼自以為壽不得

長傷悼之乃為賦以自廣其辭曰單闕之歲兮

關鳥曷反

四

月孟夏庚子日施兮服集予舍止于坐隅貌甚閒暇異

物來集兮私怪其故發書占之兮策言其度

發策數之書占其度

驗曰野鳥入處兮主人將去請問于服兮予去何之吉

乎告我凶言其蓄

音災

淹數之度兮語予其期服乃歎息

舉首奮翼口不能言請對以臆

音協韻憶

萬物變化兮固無

休息幹流而遷兮或推而還形氣轉續兮化變而嬗

湯無窮兮胡可勝言

音勿

禍兮福所倚

於依也

福兮禍

所伏憂喜聚門兮吉凶同域

言禍福相因吉凶不定

彼吳彊大兮

夫差呂敗越棲會稽兮句踐霸世斯游遂成兮卒被五

刑傳說胥靡兮乃相武丁夫禍之與福兮何異糾繆命

不可說兮孰知其極水激則旱兮矢激則遠萬物回薄

兮振蕩相轉雲蒸而降兮錯繆相紛大專槃物兮塊軋

無垠

塊烏朗反
軋於點反

天不可與慮兮道不可與謀遲數有命

兮惡識其時且夫天地為爐兮造化為工陰陽為炭兮

萬物為銅合散消息兮安有常則千變萬化兮未始有

極忽然為人兮何足控搏化為異物兮又何足患小知

自私兮賤彼貴我通人大觀兮物無不可貪夫徇財兮

烈士殉名夸者死權兮品庶馮生

馮音憑

怵迫之徒兮或

趨西東大人不曲兮億變齊同拘士繫俗兮攔如因拘

至人遺物兮獨與道俱衆人或或兮好惡積意

意令韻
音憶

真人淡漠兮獨與道息釋知遺形兮超然自喪寥廓忽
荒兮與道翱翔乘流則逝兮得坻則止縱軀委命兮不
私與已其生若浮兮其死若休澹乎若深淵之靜汜乎
若不繫之舟不以生故自寶兮養空而游德人無累兮
知命不憂細故懣削兮何足以疑

懣刃邁反
削如邁反

後歲餘賈

生徵見孝文帝方受釐坐宣室上因感鬼神事而問鬼
神之本賈生因具道所以然之狀至夜半文帝前席既

罷曰吾久不見賈生自以為過之今不及也居頃之拜
賈生為梁懷王太傅梁懷王文帝之少子愛而好書故
今賈生傳之文帝復封淮南厲王子四人皆為列侯賈
生諫以為患之興自此起矣賈生數上疏言諸侯或連
數郡非古之制可稍削之文帝不聽居數年懷王騎墮
馬而死無後賈生自傷為傳無狀哭泣歲餘亦死賈生
之死時年三十三矣及孝文崩孝武皇帝立舉賈生之
孫二人至郡守而賈嘉最好學世世其家與余通書至

孝昭時列為九卿

太史公曰余讀離騷天問招魂哀郢悲其志適長沙觀
屈原所自沈淵未嘗不垂涕想見其為人及見賈生弔
之又怪屈原以彼其材游諸侯何國不容而自令若是
讀服鳥賦同死生輕去就又爽然自失矣

史記正義卷八十四

欽定四庫全書

史記正義卷八十五

唐 張守節 撰

呂不韋列傳第二十五

史記八十五

呂不韋者陽翟大賈人也

陽翟今河南府也

往來販賤賣貴家

累千金秦昭王四十年太子死其四十二年以其次子

安國君為太子安國君有子二十餘人安國君有所甚

愛姬立以為正夫人號曰華陽夫人華陽夫人無子安

國君中男名子楚子楚母曰夏姬母愛子楚為秦質子於趙秦數攻趙趙不甚禮子楚子楚秦諸庶孽孫質於諸侯車乘進用不饒居處困不得意呂不韋賈邯鄲見

而憐之曰此奇貨可居

戰國策云濮陽人呂不韋賈邯鄲見秦質子異人謂其父曰耕

田之利幾倍曰十倍珠玉之贏幾倍曰百倍主立定國之贏幾倍曰無數不韋曰今力田疾作不得暖衣飽食今定國立君澤可遺後世願任事之秦子異人質於趙處於郕城故往說之乃說秦王后弟楊泉君曰君之罪至死君知之乎君門下無不居高官尊位太子門下無貴者而駿馬並外廐美女充後庭王之春秋高矣一日山陵太子用事君危於累卵而不壽於朝生今有計可以使君富千萬寧於太山必無危亡之患矣楊泉曰請

聞其說不韋曰王年高矣王后無子子孫有承國之業
士倉又輔之王一日山陵子孫立士倉用事王后之門
必生達萬子楚異人賢材也棄在於趙無母引領西望
欲一得歸王后誠請而立之楚異人無國有國王后無
子有子楊象曰諸入說
王后謂請於趙而歸之乃往見子楚說曰吾能大子之

門子楚笑曰且自大君之門而乃大吾門呂不韋曰子
不知也吾門待子門而大子楚心知所謂乃引與坐深
語呂不韋曰秦王老矣安國君得為太子竊聞安國君
愛幸華陽夫人華陽夫人無子能立適嗣者
適音嫡獨華
陽夫人耳今子兄弟二十餘人子又居中不甚見幸久

質諸侯即大王薨安國君立為王則子無幾得與長子

言子楚無望得
預長為太子

及諸子旦暮在前者爭為太子矣子楚

曰然為之奈何呂不韋曰子貧客於此非有以奉獻於
親及結賓客也不韋雖貧請以千金為子西游事安國
君及華陽夫人立子為適嗣子楚乃頓首曰必如君策
請得分秦國與君共之不韋乃以五百金與子楚為進
用結賓客而復以五百金買奇物玩好自奉而西游
秦求見華陽夫人姊而皆以其物獻華陽夫人因言子

楚賢智結諸侯賓客徧天下常曰楚也以夫人為天日
夜泣思太子及夫人夫人大喜不韋因使其姊說夫人
曰吾聞之以色事人者色衰而愛死今夫人事太子甚
愛而無子不以此時蚤自結於諸子中賢孝者舉立以
為適而子之夫在則重尊夫百歲之後所子者為王終
不失勢此所謂一言而萬世之利也不以繁華時樹本
即色衰愛死後雖欲開一語尚可得乎今子楚賢而自
知中男也次不得為適其母又不得幸自附夫人夫人

誠以此時拔以為適夫人則竟世有寵於秦矣華陽夫人以為然承太子閒從容言子楚質於趙者絕賢來往者皆稱譽之乃因涕泣曰妾幸得充後宮不幸無子願得子楚立以為適嗣以託妾身安國君許之乃與夫人刻玉符約以為適嗣安國君及夫人因厚餽遺子楚而請呂不韋傳之子楚以此名譽益盛於諸侯呂不韋取邯鄲諸姬絕好善舞者與居知有身子楚從不韋飲見而說之因起為壽請之呂不韋怒念業已破家為子楚

欲以釣竒乃遂獻其姬姬自匿有身至大期時生子政
子楚遂立姬為夫人秦昭王五十年使王齕圍邯鄲急
趙欲殺子楚子楚與呂不韋謀行金六百斤予守者吏
得脫亡赴秦軍遂以得歸趙欲殺子楚妻子子楚夫人
趙豪家女也得匿以故母子竟得活秦昭王五十六年
薨太子安國君立為王華陽夫人為王后子楚為太子
趙亦奉子楚夫人及子政歸秦秦王立一年薨諡為孝
文王太子子楚代立是為莊襄王莊襄王所養母華陽

后為華陽太后真母夏姬尊以為夏太后莊襄王元年以呂不韋為丞相封為文信侯食河南洛陽十萬戶莊襄王即位三年薨太子政立為王尊呂不韋為相國號

稱仲父

仲中也次父也蓋效齊桓公以管仲為仲父

秦王年少太后時時竊

私通呂不韋不韋家僮萬人當是時魏有信陵君

年表云秦

昭王五十六年平原卒始皇四年信陵君死始皇九年李園殺春申君孟嘗君當秦昭王二十四年已後而卒

最

楚有春申君趙有平原君齊有孟嘗君皆下士喜

賓客以相傾呂不韋以秦之彊羞不如亦招致士厚遇

之至食客三千人是時諸侯多辯士如荀卿之徒著書
布天下呂不韋乃使其客人人著所聞集論以為八覽
六論十二紀二十餘萬言以為備天地萬物古今之事
號曰呂氏春秋布咸陽市門懸千金其上延諸侯游士
賓客有能增損一字者予千金始皇帝益壯太后淫不
止呂不韋恐覺禍及己乃私求太陰人嫪毐以為舍人
時縱倡樂使毒以其陰闔桐輪而行
以桐木為小車輪令太后
聞之以啗太后太后聞果欲私得之呂不韋乃進嫪毐

詐令人以腐罪告之

上音輔謂宮刑骨靡也

不韋又陰謂太后曰

可事詐腐則得給事中太后乃陰厚賜主腐者吏詐論之拔其鬚眉為宦者遂得侍太后太后私與通絕愛之

有身太后恐人知之詐卜當避時徙宮居雍

雍故城在岐雍縣南

七里秦都大鄭宮

嫪毐常從賞賜甚厚事皆決於嫪毐嫪毐家

僮數千人諸客求宦為嫪毐舍人千餘人始皇七年莊

襄王母夏太后薨孝文王后曰華陽太后與孝文王會

葬壽陵

秦孝文王陵在雍州萬年縣東北二十五里

夏太后子莊襄王葬芷

陽秦襄莊陵在雍州新豐縣西南三十里始皇在此故俗亦謂之見子陵故夏太后獨別

葬杜東

夏太后陵在萬年縣東南二十五里

曰東望吾子西望吾夫後百

年旁當有萬家邑始皇九年有告嫪毐實非宦者常與太后私亂生子二人皆匿之與太后謀曰王即薨以子為後於是秦王下吏治具得情實事連相國呂不韋九月夷嫪毐三族殺太后所生兩子而遂遷太后於雍諸嫪毐舍人皆沒其家而遷之蜀王欲誅相國為其奉先王功大及賓客辯士為游說者衆王不忍致法秦王十

年十月免相國呂不韋及齊人茅焦說秦王秦王乃迎
太后於雍歸復咸陽而出文信侯就國河南歲餘諸侯
賓客使者相望於道請文信侯秦王恐其為變乃賜文
信侯書曰君何功於秦秦封君河南食十萬戶君何親
於秦號稱仲父其與家屬徙處蜀呂不韋自度稍侵恐
誅乃飲酖而死秦王所加怒呂不韋嫪毐皆已死乃皆
復歸嫪毐舍人遷蜀者始皇十九年太后薨謚為帝太
后與莊襄王會葬茝陽

太史公曰不韋及嫪毐貴封號文信侯人之告嫪毐毒聞之秦王驗左右未發上之雍郊毐恐禍起乃與黨謀矯太后璽發卒以反斬年宮

年宮在岐州城西故城內

發吏攻毐

毐敗亡走追斬之好時遂滅其宗而呂不韋由此絀矣孔子之所謂聞者其呂子乎



史記正義卷八十五